

Акционерлік қоғамдар туралы

Күшін жойған

Қазақстан Республикасының Заңы 1998 жылғы 10 шілде N 281. Күші жойылды - Қазақстан Республикасының 2003.05.13. N 415 Заңымен.

Осы Заң, акционерлік қоғамның құқықтық жағдайын, оны құру, капиталдандыру, қайта құру және тарату тәртібін; акционерлер мен үшінші тұлғалардың құқықтарын, міндеттерін, олардың құқықтары мен мүдделерін қорғау жағдайларын; қоғамның органдары мен лауазымды адамдарының өкілеттігі мен жауапкершілігін айқындайды.

1-тарау. ЖАЛПЫ ЕРЕЖЕЛЕР

1-бап. Акционерлік қоғамдар туралы заңдар

Акционерлік қоғамдар туралы заңдар Қазақстан Республикасының Конституциясына негізделеді және осы Заңның нормалары мен Қазақстан Республикасының өзге де нормативтік құқықтық актілерінен тұрады.

Акционерлік қоғамдар туралы жалпы ережелер азаматтық авиацияны мемлекеттік реттеу, банк және сақтандыру қызметі туралы заң актілерінде өзге ережелер белгіленбеген жағдайларда қолданылады.

ЕСКЕРТУ. 1-бап толықтырылды - Қазақстан Республикасының 1999.07.16. N 436 Заңымен.

Ескерту. 1-бап өзгерді - Қазақстан Республикасының 2001.12.15. N 272 Заңымен.

2-бап. Осы Заңда пайдаланылатын негізгі ұғымдар

Осы Заңда мынадай негізгі ұғымдар пайдаланылады:

осы тұлғаның аффилиирленген тұлғасы (аффилиирленген тұлға) - шешімді тікелей және/немесе жанама айқындауға және (немесе) осы тұлғаның қабылдаған шешіміне, оның ішінде ауызекі шартты қоса алғанда, шарттың немесе өзге де мәміленің күшіне әсер етуге құқығы бар кез келген жеке немесе заңды тұлға (өзіне берілген өкілеттік шегінде осы тұлғаның қызметіне бақылау жасауды жүзеге асыратын мемлекеттік органдарды қоспағанда), сондай-ақ осы тұлғаның сол жөнінде, осындай құқығы бар кез келген жеке және заңды тұлға. Акционерлік қоғамның лауазымды адамдары, оның дауыс беретін акцияларының он және одан да көп процентін (ашық халықтық акционерлік қоғамдар үшін - бес және одан да көп процентін) иеленетін акционер міндетті түрде акционерлік қоғамның аффилиирленген тұлғалары болып танылады;

шығарылған акциялар - акционерлер арасында орналастырылған және олар

т о л ы қ т ө л е г е н а к ц и я л а р ;

дисконттық облигация - атаулы құнынан төмен баға бойынша орналастырылатын және оны ұстаушының облигацияның атаулы құнын ол көздеген өтеу мерзімінде алу құқығын куәландыратын облигация;

білікті көпшілік - шығарылған дауыс беретін акциялардың жалпы санының үштен екісі мөлшеріндегі көпшілік;

білікті инвестор - бағалы қағаздар рыногында қызметін жүзеге асыратын және айлық есептік көрсеткіштің 50 000 еселенген мөлшерінен кем емес мөлшерде өз капиталы бар заңды тұлға;

конверсияланатын бағалы қағаз - акционерлік қоғам шығарған, конверсияланатын бағалы қағаздарды шығарған кезде белгіленген шарттар бойынша осы акционерлік қоғамының басқа түрдегі бағалы қағазына айырбасталуға тиісті бағалы қағаз;

акциялардың бақылау бумасы - акциялардың осындай бумасының меншік иесіне акционерлік қоғам қабылдайтын шешімдерді айқындауына құқық беретін белгілі бір акциялар бумасының акционерлік қоғамның шығарылған (төленген) жарғылық капиталының мөлшеріне проценттік арақатынасы;

кумулятивті дауыс беру - акционерлік қоғамның әрбір дауыс беретін акциясына акционерлік қоғамның алқалы орган мүшелерінің жалпы санына тең дауыстар саны сәйкес келуге тиіс реттегі дауыс беру тәсілі;

купондық облигация - оны ұстаушының акционерлік қоғам облигациялар шығару шарттарына сәйкес төлейтін сыйақыны (мүддені) алу құқығын куәландыратын облигация;

халықаралық облигация - шығару және орналастыру шарттары, осы Заңның 33-бабы 6-тармағының ережелерін қоспағанда, Қазақстан Республикасының заңдарымен реттелмейтін, Қазақстан Республикасының резиденттері эмиссиялайтын облигация;

тәуелсіз директор - ашық халықтық акционерлік қоғамның директорлар кеңесінің өзі директорлар кеңесіне сайлануының алдындағы бес жылдың ішінде осы акционерлік қоғамның немесе оның аффилиирленген тұлғаларының лауазымды адамы, сондай-ақ осы акционерлік қоғамның тәуелсіз аудитору және (немесе) консультанты болып табылмайтын және болмаған, сондай-ақ акционерлік қоғамның және (немесе) оның аффилиирленген тұлғаларының өзге аффилиирленген тұлғасы болмаған әрі аталған ұйымдардың лауазымды адамдарымен бағыныстылығы және туыстық қатысы жағынан байланысы жоқ мүшесі;

тәуелсіз тіркеуші - белгілі бір акционерлік қоғамның бағалы қағаздар ұстаушыларының тізілімін жүргізу жөніндегі кәсіби қызметті жүзеге асыратын және сол акционерлік қоғамның, оның лауазымды адамдарының және әрбір жеке

акционердің аффилирленген тұлғасы болып табылмайтын, дербес немесе аффилирленген тұлғалармен бірге сол акционерлік қоғамның дауыс беретін акцияларының бес және одан көп процентін иеленетін заңды тұлға;

бағалы қағаздың атаулы құны - бағалы қағаз құнының акционерлік қоғамның жарғысында немесе бағалы қағазды шығару кезінде белгіленген ақшалай көрінісі ;

шығарылатын болып жарияланған акциялар - бағалы қағаздар рыногы туралы заңдарға сәйкес шығаруға рұқсат етілген акциялар;

опцион - келісілген баға бойынша және шартта белгіленген мерзім ішінде бағалы қағаздардың белгілі бір түрінің белгілі бір мөлшерін бір тараптың сатып алуға (сатуға) құқығын және екінші тараптың сатуға (сатып алуға) міндеттемесін куәландыратын екі жақты шарт;

баспасөз басылымы - таралымы кемінде 30.000 дана болатын мерзімді баспасөз басылымы немесе бағалы қағаздар рыногының мәселелері жөнінде материалдар жариялайтын мамандандырылған басылым. Баспасөз басылымдарының тізбесін уәкілетті орган белгілейді;

облигацияларды өтеу - акционерлік қоғамның бұрын шығарылған облигацияларды атаулы баға бойынша сатып алуы немесе оларды қолданылып жүрген заңдарға сәйкес сол акционерлік қоғамның акцияларына конверсиялау;

тізілім ұстаушы - тәуелсіз тіркеуші немесе ол заң актілеріне сәйкес өзінің бағалы қағаздарын ұстаушылардың тізілімін дербес жүргізуге хақылы болса, акционерлік қоғам ;

уәкілетті орган - бағалы қағаздар рыногында қалыптасатын қатынастарды мемлекеттік реттеуді жүзеге асыратын мемлекеттік орган.

ЕСКЕРТУ. 2-бап өзгерді - Қазақстан Республикасының 1999.07.16. N 436 Заңымен.

3-бап. Акционерлік қоғам ұғымы

1. Өзінің қызметін жүзеге асыру үшін қаражат тарту мақсатында акциялар шығаратын заңды тұлға акционерлік қоғам (бұдан әрі - қоғам) болып танылады.

2. Қоғам өз акционерлерінің мүлкінен оқшауланған мүлікті иеленеді және олардың міндеттемелері бойынша жауап бермейді.

Қоғам өз міндеттемелері бойынша өзіне тиесілі барлық мүлікпен жауапты болады .

3. Акционер қоғамның міндеттемелері бойынша жауап бермейді және осы Заңда көзделген жағдайларды қоспағанда, өзіне тиесілі акциялар құнының шегінде қоғамның қызметіне байланысты зияндарға тәуекел етеді.

4. Егер қоғам өзінің жаңа акциялар немесе акцияларға конверсияланатын басқа да бағалы қағаздар шығаратын ниеті туралы хабарласа, қоғам осы жаңа акцияларды немесе акцияларға конверсияланатын бағалы қағаздарды олардың

қолындағы акцияларға бара-бар артықшылықты сатып алу құқығына сәйкес акционерлерге бірдей жағдайларда ұсынуға міндетті.

Уәкілетті орган акционерлерге артықшылықты сатып алу құқығын пайдалану жөнінде ұсыныс беру тәртібін белгілеуге хақылы.

5. Заңдарда көзделген жағдайларда қоғамның ұйымдық-құқықтық нысанында табысы тек қана қоғамды дамытуға пайдаланылатын коммерциялық емес ұйымдар құрылуы мүмкін.

6. Акционерлік қоғам директорлар кеңесінің шешімі бойынша заң актілерінде көзделген тәртіппен өз филиалдары мен өкілдіктерін құруға хақылы.

4-бап. Қоғамның үлгілері және қоғамның үлгілерін өзгерту

1. Қазақстан Республикасында қоғамның екі үлгісі - ашық және жабық үлгілері құрылады.

2. Қоғам өзінің үлгісін акционерлердің жалпы жиналысының шешімі бойынша осы Заңның талаптарын сақтай отырып өзгерте алады.

3. Егер жабық қоғам акционерлерінің саны жүзден асса, ол қоғамның үлгісін ашық етіп өзгерту туралы шешім қабылдау үшін келесі үш айдың ішінде акционерлердің жалпы жиналысын өткізуге міндетті.

4. Егер қоғам акционерлерінің саны жүзден аспаса, акционерлерінің жалпы жиналысының шешімі бойынша ашық қоғам жабық қоғам болып қайта құрылуға хақылы.

5. Осы баптың 3 және 4-тармақтарында белгіленген нормалар коммерциялық емес ұйымдарға қолданылмайды.

6. Қоғамның фирмалық атауы болады, онда қоғамның атауы, сондай-ақ қоғамның үлгісіне қарай, "ашық акционерлік қоғам" немесе "жабық акционерлік қоғам" деген сөздер немесе тиісінше "ААҚ" және "ЖАҚ" аббревиатурасы болуға тиіс. Қоғам осындай фирмалық атауымен мемлекеттік тіркеуден өтуге тиіс.

5-бап. Жабық қоғам

1. Акциялары осы бапта белгіленген тәртіппен өзінің құрылтайшылары мен алдын ала айқындалған адамдар тобының арасында орналастырылатын қоғам жабық қоғам болып табылады. Жабық қоғам өзі шығаратын акцияларды осы Заңда көзделгеннен басқа жағдайларда тек жабық әдіспен ғана орналастыруға хақылы.

2. Жабық қоғам акционерлерінің саны жүзден аспауға тиіс, бұған жабық қоғам коммерциялық емес ұйым болып табылатын жағдайлар қосылмайды.

3. Жабық қоғам акционерлерінің осы қоғамның басқа акционерлері сататын акцияларды сатып алуға артықшылықты құқығы бар.

4. Жабық қоғамның өз акцияларын сатқысы келетін акционері оларды қоғамның басқа акционерлеріне, ал олар бас тартқан жағдайда - қоғамның өзіне

сатып алуға ұсынуға міндетті. Сатылатын акцияларды сатып алудың артықшылықты құқығы акциялар сатуға ұсынылған кезден бастап отыз күн бойы акционерлерде сақталады. Егер акционерлердің ешқайсысы аталған мерзімде осы құқықты пайдаланбаса, ол қоғамға өтеді және онда отыз күн бойы сақталады. Қоғам сатылатын акцияларды сатып алудың артықшылықты құқығын акционерлердің жалпы жиналысының тиісті шешімін қабылдау жолымен іске асырады. Қоғамның жарғысында сатуға ұсынылған акцияларды артықшылықпен сатып алу құқығын қоғамның акционерлерінде немесе оның өзінде қалдырудың өзге мерзімдері белгіленуі мүмкін, бірақ ол кемінде отыз күн болады.

Қоғам және оның акционерлері акцияларды сатып алудан бас тартқан немесе белгіленген мерзімдер ішінде жауап алмаған жағдайда акционер акцияларды қоғамға және оның қатысушыларына ұсынған бағадан төмен емес құны бойынша үшінші тұлғаларға сатуға хақылы. Сатуға ұсынылған акциялардың бағасын төмендету туралы шешім қабылдаған ретте акционер осы бапта белгіленген тәртіппен оларды басқа акционерлерге және (немесе) қоғамға сатып алуға қайта ұсынуға міндетті.

Жабық қоғамның акцияларын өзге негіздер бойынша иеліктен айыру заңдарға сәйкес жүргізіледі.

5. Жабық қоғам акцияларының эмиссиясы осы Заңда көзделгеннен басқа жағдайларда мемлекеттік тіркеуге жатпайды.

Жабық қоғамның жарғысында өзінің әрекетімен немесе әрекетсіздігімен қоғамның мүдделерін едәуір бұзушы акционерді сот тәртібімен акционерлер қатарынан шығару мүмкіндігі көзделуі мүмкін. Аласталған акционердің акцияларын қоғамның таза активтері құнының ол шығарған акциялардың жалпы санына қатынасы есебімен сот белгілеген баға бойынша қоғам сатып алуға тиіс.

6-бап. Ашық қоғам

1. Акционерлері өздеріне тиесілі акцияларды басқа акционерлердің келісімінсіз иеліктен айыруға хақылы қоғам ашық қоғам болып табылады. Ашық қоғам акцияларды жабық, жеке және ашық әдіспен орналастыруға хақылы.

2. Ашық қоғам акционерлерінің саны шектелмейді.

7-бап. Ашық халықтық қоғам

1. Бағалы қағаздардың ұйымдасқан рыногында акциялар бағаланатын, активтерінің мөлшері кемінде айлық есепті көрсеткіштің 200 000 еселенген мөлшерін құрайтын және акционерлерінің саны бес жүзден кем болмайтын ашық қоғам ашық халықтық қоғам (бұдан әрі - халықтық қоғам) болып табылады. Халықтық қоғамның белгілеріне сәйкес келетін ашық қоғам күнтізбелік жыл аяқталғаннан кейін отыз күннің ішінде бұл туралы уәкілетті органға хабарлауға міндетті.

2. Халықтық қоғам мәртебесін алу тәртібі бағалы қағаздар рыногы туралы

з а н д а р м е н

б е л г і л е н е д і .

3. Қоғам мына жағдайлардың:

1) осы баптың 2-тармағына сәйкес халықтық қоғам мәртебесін алған қоғам акционерлерінің саны алты айдың ішінде бес жүзден кеміп кетуінің;

2) оның активтерінің мөлшері айлық есепті көрсеткіштің 200 000 еселенген мөлшерінен кеміп кетуінің;

3) қоғам акцияларының бағалы қағаздардың ұйымдасқан рыногындағы бағалануы тоқтатылуы жағдайларының біреуі пайда болған кезден бастап алты ай өткеннен кейін уәкілетті органға хабарлай отырып, халықтық қоғам мәртебесін жоғалтқаны туралы мәлімдеуге міндетті.

4. Халықтық қоғамның акцияларымен жасалатын мәмілелер есебін Орталық депозитарий немесе тәуелсіз тіркеуші уәкілетті орган белгілеген тәртіппен жүзеге асырады.

8-бап. Қоғамның жарғылық капиталының ең төмен мөлшері

1. Қоғамның жарияланған жарғылық капиталының ең төмен мөлшері: жабық қоғам үшін - айлық есепті көрсеткіштің 100 еселенген мөлшері; ашық қоғам үшін - айлық есепті көрсеткіштің 5000 еселенген мөлшері болып т а б ы л а д ы .

2. Жабық қоғамның жарияланған ең төмен жарғылық капиталы қоғам мемлекеттік тіркеуден өтетін кезге қарай төленуге тиіс.

Ашық қоғамның жарияланған ең төмен жарғылық капиталының жиырма бес проценті қоғам мемлекеттік тіркеуден өтетін кезге қарай ақшалай төленуге тиіс.

3. Ашық қоғамның шығарылған (төленген) жарғылық капиталының ең төмен м ө л ш е р і н :

1) ашық қоғам мемлекеттік тіркеуден өткен кезден бастап бір жыл ішінде - жарияланған жарғылық капиталдың ең төмен мөлшерінің жиырма бес проценті;

2) ашық қоғам мемлекеттік тіркеуден өткен кезден бастап бір жыл өткеннен кейін - жарияланған жарғылық капиталдың ең төмен мөлшері құрайды.

2-тарау. ҚОҒАМДЫ ҚҰРУ

9-бап. Қоғамның құрылтайшылары

1. Қоғамды құру туралы шешім қабылдаған жеке және (немесе) заңды тұлғалар қоғамның құрылтайшылары болып табылады.

2. Қазақстан Республикасының Үкіметін, жергілікті атқарушы органдарды, сондай-ақ Қазақстан Республикасының Ұлттық Банкін қоспағанда, мемлекеттік органдар мен мемлекеттік мекемелер қоғамның құрылтайшысы немесе қатысушысы ретінде әрекет ете алмайды.

3. Шет мемлекеттер, халықаралық ұйымдар, шетелдік заңды және жеке тұлғалар заң актілерінде және (немесе) халықаралық шарттарда белгіленген

тәртіппен Қазақстан Республикасының аумағында акционерлік қоғамдар құруға және қызметіне қатысуға хақылы.

4. Қоғамның құрылтайшысы жалғыз тұлға болуы мүмкін.

5. Қоғамның құрылтайшылары оны құруға байланысты және ол мемлекеттік тіркеуден өткенге дейін туындаған міндеттемелер бойынша бірлесіп жауапты болады.

Қоғам осындай міндеттемелер бойынша аталған тұлғалардың іс-қимылын кейіннен қоғам акционерлерінің жалпы жиналысы мақұлдаған жағдайда жауапты болады.

ЕСКЕРТУ. 9-бап өзгерді - Қазақстан Республикасы 2002.05.21. N 323
Заңымен.

10-бап. Қоғамды құру

1. Қоғам құрылтай жиналысының шешімі бойынша құрылады. Қоғамды жалғыз тұлға құрған жағдайда оны құру туралы шешімді осы тұлға жеке-дара қабылдайды.

2. Құрылтай шарты мен жарғы қоғамның құрылтай құжаттары болып табылады. Жалғыз тұлға құрған қоғамның құрылтай құжаты оның жарғысы болып табылады.

3. Құрылтай жиналысында құрылтайшылар қоғамды құру туралы шешім қабылдайды, оның жарғысын бекітеді, қоғамның органдарын, сондай-ақ қоғамды мемлекеттік тіркеуге арналған құжаттарға қол қоюға және ұсынуға, заңдарда белгіленген тәртіппен мүлікті, оның ішінде қоғамның акцияларын төлеуге құрылтайшылар енгізетін мүліктік құқықтарды ақшалай бағалауды жүргізуге уәкілетті адамдарды сайлайды. Құрылтайшылар құрылтай жиналысының хаттамасын және құрылтай шартын жасасып, қол қоюға, сондай-ақ қоғамның жарияланған жарғылық капиталының мөлшері туралы шешім қабылдауға тиіс.

4. Қоғамның құрылтай жиналысында сайланған органдар қоғам мемлекеттік тіркелгеннен кейінгі акционерлердің бірінші жалпы жиналысына дейін жұмыс істейді.

5. Шетелдік инвестордың қатысуымен қоғам құру заң актілеріне сәйкес жүзеге асырылады.

6. Қоғам осы Заңда және басқа да заң актілерінде белгіленген тәртіппен жұмыс істеп тұрған заңды тұлғаны қайта құру (біріктіру, қосу, бөлу, бөліп шығару, өзгерту) жолымен құрылуы мүмкін.

11-бап. Қоғамның құрылтай шарты

1. Құрылтай шартында:

1) мемлекеттік және орыс тілдерінде қоғамды құру туралы шешім, қоғамның үлгісін көрсету, оның толық және қысқартылған атауы;

2) заңды тұлғалар үшін қоғам құрылтайшыларының мемлекеттік тіркелгенін

куәландыратын құжаттарға сәйкес атаулары, орналасқан жері көрсетілген тізбесі немесе жеке адамдар үшін аты, тұратын жері және жеке басын куәландыратын құжаттың деректері;

3) қоғамды құру тәртібі, оның құрылтайшыларының құқықтары мен міндеттері және қоғамды құруға байланысты шығындардың бөлінуі, сондай-ақ қоғамды құру жөнінде құрылтайшылар жүзеге асыратын қызметтің өзге де шарттары; құрылтайшылардың, сондай-ақ қоғамды құру және тіркеу процесінде оның мүдделерін білдіру тапсырылатын басқа да тұлғалар өкілеттігінің анықтамасы;

4) қоғамның жарияланған жарғылық капиталының мөлшері;

5) құрылтайшылардың акцияларды төлеу мөлшері, мерзімдері және тәртібі туралы мәліметтер;

б) қоғамның құрылтайшылар арасында орналастырылатын акциялары санының анықтамасы;

7) шығарылатын акциялардың түрлері мен санаттары және оларды бастапқы орналастырудың тәртібі туралы мәліметтер;

8) қоғамның жарғысын бекіту туралы жазба болуға тиіс.

Құрылтай шартына құрылтайшылардың шешімі бойынша қоғамды құруға және оның болашақтағы қызметіне қатысты, осы Заңға және басқа да заң актілеріне қайшы келмейтін басқа ережелер мен мәліметтер де енгізілуі мүмкін.

2. Егер шарттың өзінде өзгедей көзделмесе, құрылтай шартында баяндалған мәліметтер коммерциялық құпия болып табылады. Құрылтай шарты мемлекеттік органдарға, сондай-ақ үшінші тұлғаларға тек қоғамның шешімімен не заң актілерінде белгіленген жағдайларда ғана көрсетілуге тиіс.

12-бап. Құрылтай шартын жасасу тәртібі және оның нысаны

1. Қоғамның құрылтай шарты бұл шартқа әрбір құрылтайшының немесе оның уәкілетті өкілінің қол қоюы арқылы жасалады.

2. Қоғамның құрылтай шарты жазбаша нысанда жасалады. Шарттың және құрылтайшы - жеке тұлғалар қолдарының түпнұсқалығын нотариат куәландыруға тиіс.

Құрылтайшылар өкілдерінің, құрылтайшылар жиналысына қатысу және құрылтай шартына қол қою жөніндегі құқықты қоса алғанда, қоғамды құруға құқық беретін тиісті өкілеттігі болуға тиіс.

3. Ашық қоғам құру туралы құрылтай шартының күші қоғамды мемлекеттік тіркеген және оның барлық құрылтайшылары құрылтай шартында белгіленген міндеттемелерді орындаған сәттен бастап тоқтатылады.

13-бап. Қоғамның жарғысы

1. Қоғамның жарғысын заңды тұлға ретіндегі қоғамның мәртебесін айқындайтын құжат болып табылады және қоғамды мемлекеттік тіркеу кезінде құрылтай құжаты ретінде қарастырылады. Жарғыға қоғам құрылтайшыларының уәкілетті өкілдері қол қоюға тиіс және оны нотариат куәландыруға тиіс.

2. Қоғамның жарғысында мынадай ережелер болуға тиіс:

- 1) қоғамның үлгісі (ашық, жабық);
- 2) қоғамның мемлекеттік және орыс тілдеріндегі толық және қысқартылған а т а у ы ;
- 3) қоғамның орналасқан жері;
- 4) қоғамның жарияланған капиталының мөлшері туралы мәлімет;
- 5) қоғам жариялаған акциялардың әр түрінің саны, санаттары, атаулы құны, оларды иеленушілердің құқықтары туралы мәліметтер;
- 6) қоғамның органдарын қалыптастыру тәртібі және олардың құзыреті;
- 7) қоғам органдарының шешім қабылдау тәртібі, оның ішінде шешім білікті көпшілік дауыспен қабылданатын мәселелердің тізбесі;
- 8) акционерлердің жалпы жиналысын әзірлеу мен өткізу тәртібі, сондай-ақ жалпы жиналысты өткізу туралы акционерлерге хабарлаудың осы хабарлар жарияланатын бұқаралық ақпарат құралдары көрсетілген нысаны;
- 9) қоғамның резервтік капиталын құру мен пайдалану тәртібі;
- 10) қоғамның қызметін тоқтатудың шарттары;
- 11) қоғам коммерциялық емес ұйым болған жағдайда: қоғамның коммерциялық емес ұйым екенінің көрсетілуі, дауыс беру рәсімі туралы ереже, дивидендтерді төлемеу, осы Заңда және коммерциялық емес ұйымдар туралы заң актілерінде белгіленген басқа да талаптар.

Жарғыда бір акционерге тиесілі акциялардың санын және (немесе) олардың атаулы жиынтық құнын, сондай-ақ заңдарда көзделген жағдайларда, бір акционерге берілетін дауыстардың ең жоғары санын шектеу белгіленуі мүмкін.

3. Барлық мүдделі тұлғалар қоғамның жарғысымен танысуға хақылы.

Акционердің талап етуі бойынша қоғам оған енгізілген кейінгі өзгерістерді қоса, қоғамның жарғысымен танысуға мүмкіндік беруге міндетті. Қоғам акционерге оның өтініші бойынша ақыға жарғының көшірмесін беруге міндетті, ол ақы көшірмені дайындау шығындарынан аспауға тиіс.

14-бап. Қоғам акционерлерінің құқықтары мен міндеттері

1. Қоғам акционерінің:

- 1) осы Заңда және қоғамның жарғысында көзделген тәртіппен қоғамды басқаруға қатысуға;
- 2) дивидендтер алуға;
- 3) акционерлердің жалпы жиналысында немесе қоғамның жарғысында

белгіленген тәртіппен қоғамның қызметі туралы ақпарат алуға, оның ішінде қоғамның қаржылық есебімен танысуға;

4) тізілімді ұстаушыдан немесе бастапқы ұстаушыдан оның бағалы қағаздарға меншік құқығын растайтын көшірмелер алуға;

5) қоғамның басқару органдары қабылдаған шешімдерге сот тәртібімен дау көтеруге;

6) қоғамның органдары заң нормалары мен қоғам жарғысын бұзатын іс-әрекеттер жасаған жағдайда, өзінің құқықтары мен заңды мүдделерін қорғау үшін мемлекеттік органдарға жүгінуге;

7) қоғамға оның қызметі туралы жазбаша сауал салуға және сауал қоғамға келіп түскен күннен бастап отыз күн ішінде дәлелді жауаптар алуға;

8) қоғам тартылған жағдайда қалған мүліктің бір бөлігіне құқығы бар.

2. Қоғамның дауыс беретін акцияларының бес және одан да көп процентін иеленуші акционерлердің:

1) қоғам акционерлерінің кезектен тыс жалпы жиналысын шақыруға;

2) қоғамның органдарына кандидатуралар ұсынуға;

3) қоғам акционерлерінің жалпы жиналысында белгіленген тәртіппен қоғам акционерлері тізімінің көшірмесін алуға құқығы бар.

Акционерлердің аталған құқықтарын шектейтін қоғам жарғысының ережелері, қоғамның органдарының өзге де құжаттары және шешімдері жарамсыз болады.

Акционерлердің осы Заңда, өзге де заң актілерінде және қоғамның жарғысында көзделген басқа да құқықтары болуы мүмкін.

3. Қоғамның акционері:

1) қоғамның құрылтай құжаттарында және осы Заңда көзделген тәртіппен акцияларды төлеуге;

2) өзіне тиесілі акцияларды сату жөнінде ірі мәміле жасау ниеті туралы қоғамға хабарлауға;

3) тізілімді ұстаушыларға немесе осы акционерге тиесілі акцияларды атаулы ұстаушыға қоғамның акцияларын ұстаушылардың тізілімін жүргізуге қажетті мәліметтердің өзгергендігін он күн ішінде хабарлауға;

4) қоғамның коммерциялық құпия болып табылатын қызметі туралы мәліметтерді жария етпеуге міндетті.

4. Қоғам өз акционеріне басқа міндеттерді жүктей алмайды.

3-тарау. ҚОҒАМНЫҢ КАПИТАЛЫ, ҚОҒАМНЫҢ ТАЗА ТАБЫСЫН ЖӘНЕ ӨЗГЕ ДЕ ТӨЛЕМДЕРІН БӨЛУ

15-бап. Қоғамның жарияланған жарғылық капиталы

1. Қоғамның жарияланған жарғылық капиталының мөлшері шығаруға жарияланған барлық акциялардың бастапқы жиынтық құнына тең болады және

бірыңғай валютада көрсетіледі. Қоғамның шығаруға жарияланған акциялардың бәрін немесе тек бір бөлігін шығаруына және орналастыруына болады.

2. Акционерлердің жалпы жиналысында белгіленген шығарылатын акциялар саны, шығаруға жарияланған акциялардың шегінде шығарудың мерзімдері мен шарттары, егер осы Заңда өзгеше көзделмесе, қоғамның директорлар кеңесінің шешімімен белгіленеді.

3. Егер заңдарда өзгеше көзделмесе, шығаруға жарияланған барлық акциялар орналастырылғаннан және төленгеннен кейін ғана акционерлердің жалпы жиналысының шешімі бойынша қоғамның жарияланған жарғылық капиталын көбейтуге жол беріледі.

4. Қоғамның жарияланған жарғылық капиталы жарияланған және шығарылған (төленген) капиталдың арасындағы айырманың сомасында азайтылуы мүмкін.

Қоғамның жарияланған жарғылық капиталын азайту туралы шешім жарғылық капиталды көбейту туралы шешім сияқты тәртіппен қабылданады.

Жарияланған жарғылық капиталды осы Заңда белгіленген ең төменгі мөлшерден кемітуге жол берілмейді.

Жарғылық капиталды кемітуге тек қоғамның барлық несие берушілерін ол туралы отыз күннен асырмай баспасөз басылымында хабарландыру жариялау жолымен құлақтандырғаннан кейін және (немесе) оған жазбаша хабарландыру жібергеннен кейін ғана жол беріледі. Бұл жағдайда несие берушілер тиісті міндеттемелерді мерзімінен бұрын тоқтатуды немесе орындауды және өздеріне келтірген зияндарды өтеуді талап етуге құқылы.

16-бап. Қоғамның шығарылған (төленген) жарғылық капиталы

1. Қоғамның шығарылған (төленген) жарғылық капиталының мөлшері шығарылған акциялардың бастапқы жиынтық құнына тең болады.

2. Қоғамның шығарылған (төленген) жарғылық капиталы жаңа акциялар шығару немесе шығарылған акцияларды сатып алу және кейіннен жою арқылы өзгертілуі мүмкін. Бұл ретте шығарылған акциялардың атаулы жиынтық құны осы Заңға сәйкес тиісті қоғам үлгісінің шығарылған (төленген) жарғылық капиталы үшін белгіленген ең төменгі мөлшерінен кем болмауға тиіс.

3. Шығарылған (төленген) жарғылық капиталды қалыптастыру, өзгерту тәртібі осы Заңмен реттеледі.

4. Егер екінші немесе одан кейінгі кез келген қаржы жылы аяқталғанда қоғамның таза активтерінің құны шығарылған (төленген) жарғылық капиталдың мөлшерінен кем болса, қоғам осы Заңда және бағалы қағаздар рыногы туралы заңдарда белгіленген тәртіппен оны кеміту туралы шешім қабылдауға міндетті.

17-бап. Қоғамның резервтік капиталы

1. Қоғам қоғамның шеккен зиянын өтеу үшін өзінің жарияланған жарғылық капиталының кемінде он бес проценті мөлшерінде резервтік капитал жасауға т и і с .

2. Резервтік капитал қоғам мемлекеттік тіркеуден өткізілген кезден бастап екі жылдың ішінде қалыптастырылуға тиіс. Қоғамның резервтік капиталы қоғамның таза табысынан жыл сайын қаржы бөлу жолымен қалыптастырылады. Жыл сайын бөлінетін қаржының мөлшерін қоғам акционерлерінің жалпы жиналысы б е л г і л е й д і .

Егер қандай да болсын төлемдердің нәтижесінде қоғамның резервтік капиталы оның жарияланған жарғылық капиталының он бес процентінен аз болып қалса, қоғам резервтік капиталды көрсетілген шамаға дейін толтыру үшін қаржы бөлуді қайтадан бастауға міндетті.

ЕСКЕРТУ. 17-бап өзгерді - Қазақстан Республикасы 2002.05.21. N 323
Заңымен.

18-бап. Қоғамның облигациялары бойынша сыйақы (мүдде)

1. Қоғамның шығарған облигациялары бойынша сыйақы (мүдде) облигацияларды шығару шарттарына сәйкес оларды өтеу мерзіміне дейін (өтеу кезінде) облигациялар бойынша жүзеге асырылатын бір жолғы немесе мерзімдік төлемдер түрінде белгіленеді. Облигацияларды орналастырудың бағасы мен атаулы құнының арасындағы айырма дисконттық облигация бойынша сыйақы (мүдде) с о м а с ы б о л ы п т а б ы л а д ы .

2. Облигацияларды оны төлеу күніне дейін отыз күннен кешіктірмей сатып алған тұлғалардың сыйақы (мүдде) алуға құқығы бар.

19-бап. Қоғамның дивидендтерін төлеу тәртібі

1. Қоғам акционерлерінің жалпы жиналысының шешіміне сәйкес қоғамның өз акционерлеріне оларға тиесілі акциялар бойынша төлейтін сыйақысы д и в и д е н д б о л ы п т а б ы л а д ы .

Дивидендтер ақшамен, сондай-ақ акционердің келісімімен сол қоғамның бағалы қағаздарымен төленеді.

Дивидендтердің бір акцияға есептегендегі мөлшерін, егер осы Заңда және қоғамның жарғысында өзгеше көзделмесе, қоғамның директорлар кеңесі б е л г і л е й д і .

2. Қоғам дивидендтер төлеуді тоқсан сайын, жарты жылда бір рет не жыл қорытындысы бойынша жариялауға хақылы.

3. Жай акциялар бойынша дивидендтер төлеу (жыл қорытындысы бойынша төленетіндерден басқа) туралы шешімді, егер қоғамның жарғысында бұл мәселені шешу акционерлердің жалпы жиналысының құзыретіне жатқызылмаса, қоғамның директорлар кеңесі қабылдайды.

Қоғам акционерлерінің жалпы жиналысы немесе директорлар кеңесі өзінің осы Заңда және жарғыда көздеген құзыреттерінің шегінде белгілі бір кезеңнің қорытындылары бойынша жай акциялар бойынша дивидендтер төлеудің орынсыздығы туралы шешім қабылдауға хақылы.

Дивидендтер төлеу туралы шешім:

1) қоғамның акционерлер алдындағы дивидендтерді төлемегені үшін жауапкершілігі пайда болатын жариялау кезінен бастап дивидендтердің мөлшері мен дивидендтерді іс жүзінде төлеу күні туралы;

2) дивидендтер алуға құқығы бар акционерлерді тіркеудің түпкілікті күні туралы ;

3) қоғамның жарғысына сәйкес белгіленген төлеу әдісі (қолма қол ақшамен немесе акционердің өтінішіне сәйкес аудару нысанында) туралы ақпаратты қамтуға тиіс .

4. Дивидендтерді төлеу кезінде бірінші кезекте артықшылықты акциялар бойынша дивидендтер, содан кейін жай акциялар бойынша дивидендтер төленеді .

5. Дивидендтерге олар бойынша дивидендтер төлеудің ресми жарияланған күніне дейін отыз күннен кешіктірмей акциялар сатып алған тұлғалардың құқығы бар .

Акционер қоғам берешегінің пайда болған мерзіміне қарамастан алынбаған дивидендтерді төлеуді талап етуге хақылы.

Алынбаған дивидендтер бойынша сыйақы (мүдде) есептелмейді.

Қоғам айналысқа шығармаған немесе орналастырмаған, немесе сатып алмаған акциялар бойынша дивидендтер төленбейді.

Артықшылықты акциялар бойынша дивидендтерді төлеудің тәртібі мен ең төменгі мөлшері олардың эмиссия проспектілерімен белгіленеді. Артықшылықты акциялар бойынша есептелетін дивидендтердің мөлшері осы кезеңдегі жай акциялар бойынша есептелетін дивидендтердің мөлшерінен аз болмауы тиіс. Артықшылықты акциялардың иелеріне есептелетін дивидендтер толық көлемінде төленгенге дейін жай акциялар бойынша дивидендтер төленбейді .

6. Акционерлік қоғамның ұйымдық-құқықтық нысанында құрылған коммерциялық емес ұйымдар акциялар бойынша дивидендтер төлеуді жүзеге асырмайды.

20-бап. Дивидендтер төлеу жөніндегі шектеулер

1. Егер қоғам банкроттық туралы заңдарға сәйкес төлем қабілетсіздігі немесе дәрменсіздік белгілеріне сай келетін болса немесе аталған белгілер қоғамда дивидендтер жарияланып, төленгеннен кейін пайда болса, қоғамның өз капиталы жетпейтін жағдайда келесі жылы акционерлерге жай акциялар бойынша

дивидендтер төлеуге тыйым салынады.

2. Осы баптың 1-тармағын бұза отырып жүзеге асырылған мәмілелер қоғамның несие берушілерінің мүдделеріне залал келтіріп жасалған деп қаралады және кез келген мүдделі тұлғаның талап-арызы бойынша сот жарамсыз деп тануы мүмкін.

4-тарау. ҚОҒАМНЫҢ АКЦИЯЛАРЫ ЖӘНЕ БАСҚА ДА БАҒАЛЫ ҚАҒАЗДАРЫ

21-бап. Акциялар туралы жалпы ережелер

1. Акция - қоғам шығаратын және олардың түрлері мен санаттарына қарай акционерлердің мынадай:

- 1) дивидендтер алуға;
- 2) егер осы Заңда өзгеше көзделмесе, қоғамды басқаруға қатысуға;
- 3) қоғам таратылғаннан кейін оның қалған мүліктерінің бір бөлігіне құқықтарын куәландыратын бағалы қағаз.

Акцияның атаулы құны Қазақстан Республикасының ұлттық валютасымен де, шетелдік валютамен де белгіленеді және осы қоғамның барлық шығарылымдарының акциялары үшін бірыңғай болуға тиіс. Атаулы құны шетелдік валютамен белгіленген акцияларды төлеу Қазақстан Республикасының валюта заңдарына сәйкес жүргізіледі.

2. Қоғамның атаулы акциялар ғана шығаруға құқығы бар.

3. Акция бөлінбейді. Егер акцияны бірнеше тұлға сатып алса, олардың бәрі қоғамға қатысты бір акционер болып танылады, өз құқықтарын ортақ өкіл арқылы жүзеге асырады.

22-бап. Акциялардың түрлері

1. Қоғам жай және (немесе) артықшылықты акциялар шығарады. Артықшылықты акциялар қоғамның жарияланған жарғылық капиталының жиырма бес процентінен аспайтын көлемде шығарылады.

2. Қоғамның жарғысында немесе акционерлердің жалпы жиналысының шешімінде осы Заңға сәйкес түрлі санаттағы артықшылықты акциялар шығару к ө з д е л у і м ү м к і н .

3. Акционерлік қоғамның ұйымдық-құқықтық нысанында құрылған коммерциялық емес ұйымдардың артықшылықты акциялар шығаруды жүзеге а с ы р у ғ а қ ұ қ ы ғ ы ж о қ .

4. Қоғам акционерлерінің құрылтай немесе жалпы жиналысы жарғылық капиталды қалыптастыруға және дивидендтер алуға қатыспайтын "алтын акция" енгізуі мүмкін. "Алтын акцияның" иесі қоғам жарғысын белгілеген мәселелер бойынша жалпы жиналыстың, басқарманың және директорлар кеңесінің шешіміне вето қою құқығын ғана иеленеді.

"Алтын акциямен" куәландырылған вето қою құқығы берілуге жатпайды.

Заңымен.

23-бап. Жай акциялар

1. Жай акциялар оны иеленуші әрбір акционерге жай акцияларды басқа иеленушілермен бірдей құқықтар береді.

2. Жай акция акционерге дауыс беруге ұсынылған барлық мәселелерді шешу жағдайында дауыс беру құқығымен акционерлердің жалпы жиналысына қатысуға құқық береді. Жай акция акционерге дивидендтер алуға құқық, қоғам таратылғаннан кейін қалған мүліктің бір бөлігін осы Заңда және өзге де заң актілерінде белгіленген тәртіппен алуға да құқық береді.

24-бап. Қоғамның артықшылықты акциялары

1. Артықшылықты акцияларды иеленуші акционерлердің жай акциялар иелерінің алдында, эмиссия проспектісімен белгіленген алдын ала айқындалған кепілді мөлшердегі дивидендтер, сондай-ақ қоғам таратылғаннан кейін қалған мүліктің бір бөлігін осы Заңда белгіленген тәртіппен алуға артықшылықты құқықтары бар.

Қоғамның жарғысында осы акциялар бойынша қосымша артықшылықтар көзделуі мүмкін.

2. Қоғам артықшылықты акциялардың мынадай санаттарын:

1) дауыс беру құқығынсыз дивидендтердің ең төменгі мөлшері белгіленген акциялар ;

2) дауыс беру құқығы бар дивидендтердің ең төменгі мөлшері белгіленген акциялар шығаруды жүзеге асыруға хақылы.

Бұл орайда дауыс беру құқығынсыз артықшылықты акциялардың ол таратылғаннан кейін қалған дивидендтер жөнінде және қоғам мүлкінің бір бөлігін алуда басым құқықтары бар.

Артықшылықты акциялардың әрбір санатының артықшылықтары оларды шығарған кезде сол акциялар эмиссиясының проспектісінде белгіленіп, қоғам жарғысында реттелуге тиіс. Жарғыда мұндай ереже жоқ болса, артықшылықты акциялардың бәрі белгілі бір санаттағы акциялар деп саналады.

3. Артықшылықты акциялар бойынша төленбеген дивидендтер жинақталып, эмиссиясының проспектісіне сәйкес дивидендтер төлеудің белгіленген мерзімі аяқталғаннан кейін төленуге тиіс. Егер төлеу мерзімі белгіленген күннен бастап үш айдың ішінде дауыс беру құқығынсыз артықшылықты акциялар бойынша дивидендтер төленбесе, осы мерзім біткен соң артықшылықты акцияларды иеленуші акционерге акционерлердің жалпы жиналысына оның құзыретіндегі барлық мәселелер бойынша мерзімі өтіп кеткен дивидендтерді төлеу кезіне дейін дауыс беру құқығы беріледі. Бұл жағдайда артықшылықты акция қоғам акционерлерінің жалпы жиналысында шешімдер қабылдау үшін белгіленген

кворумды айқындау кезінде ескеріледі.

4. Дивидендтері төленбеген артықшылықты акцияны иеліктен айыру оны акцияның жаңа меншік иесінің алу құқығымен жүзеге асырылады.

5. Қоғам таратылған жағдайда артықшылықты акциялар иелерінің басқа акционерлердің алдында тиесілі, бірақ төленбеген дивидендтерді бірінші кезекте толық көлемінде алуға, өздеріне тиесілі акциялардың атаулы құнын өтетуге және ол таратылғаннан кейін қалған қоғам мүлкінің бір бөлігін өздеріне тиесілі акциялар құнына сай жай акциялар иелерімен тең алуға құқығы бар.

6. Жарғыға енгізілген, жекелеген санаттағы артықшылықты акциялар иелерінің құқығын шектейтін кез келген өзгерістерді акционерлердің жалпы жиналысы осындай санаттағы акциялардың жалпы санының кемінде үштен екісін иеленетін акционерлер аталған шектеулердің қабылдануын жақтап дауыс берген жағдайда ғана қабылдай алады. Бұлай болмаған жағдайда акционерлердің жалпы жиналысының шешімі ол қабылданған сәттен бастап жарамсыз деп саналады.

25-бап. Жарияланған және шығарылған акциялар

1. Қоғамның жарғысында жарияланған акциялардың саны, түрлері және санаттары, олардың атаулы құны, сондай-ақ қоғамның артықшылықты акцияларының әрбір санаты бойынша акционерлерге берілетін құқықтар айқындалуға тиіс.

2. Егер қоғамның жарғысында өзгеше көзделмесе, жарияланған акциялар шегінде акциялардың эмиссиясы туралы шешімді қоғамның директорлар кеңесі қабылдайды. Шешімде шығарылатын акциялардың әрбір түрінің саны және олардың санаттары, сондай-ақ оларды орналастырудың мерзімдері мен шарттары айқындалуға тиіс.

3. Ашық қоғам уәкілетті мемлекеттік органға акциялардың шығарылуы мен орналастырылуының қорытындылары туралы есеп беруге міндетті. Есеп берудің тәртібі мен мерзімділігі бағалы қағаздар рыногы туралы заңдармен белгіленеді.

Уәкілетті орган шығарылған және орналастырылған акциялардың қорытындылары туралы есепті бекіткенге дейін қоғамның акциялардың эмиссиясы нәтижесінде алынған ақшаға және өзге де мүлікке билік етуге құқығы жоқ.

26-бап. Қоғамның акцияларды орналастыру тәсілдері

1. Қоғамның акциялары мынадай тәсілдермен:

1) жабық, яғни қоғамның құрылтайшылары және осы Заңға сәйкес алдын ала белгіленген тұлғалар тобы арасында;

2) жекеше, яғни білікті инвесторлардың арасында;

3) ашық, яғни бағалы қағаздар туралы заңдарға сәйкес аукцион өткізу және (немесе) еркін сату жолымен тұлғалардың шектеусіз тобы арасында

о р н а л а с т ы р ы л а д ы .

2. Қоғамның үлгісіне қарамастан, қоғамның акцияларын бастапқы орналастыру оның құрылтайшылары арасында жабық тәсілмен олардың эмиссиясын заң актілерінде көзделген жағдайларды қоспағанда, мемлекеттік тіркеусіз жүзеге асырылады.

3. Қоғам акцияларының алдыңғы эмиссиясы толық орналастырылғанға дейін акцияларды одан кейін шығаруға және орналастыруға жол берілмейді.

4. Жабық қоғам акцияларының кейінгі эмиссияларын орналастыру тек жабық тәсілмен олардың эмиссиясын осы Заңда көзделген жағдайларды қоспағанда, мемлекеттік тіркеусіз жүзеге асырылады. Жабық қоғамды ашық қоғам етіп қайта құрған кезде қоғам қайта құрылған кезден бастап үш ай ішінде бағалы қағаздар рыногы туралы заңдарға сәйкес уәкілетті органға бұрын шығарылған акциялар орналастыру жөнінде есеп беруге міндетті.

5. Ашық қоғамның жабық немесе жеке әдіспен орналастыратын акцияларының эмиссиясы мемлекеттік тіркеуге жатпайды.

Жабық тәсілмен сатып алынған акцияларды одан әрі беру, уәкілетті органның ережелерінде көзделген жағдайларды қоспағанда, олардың эмиссиясын мемлекеттік тіркеу шартымен жүргізіледі.

Ашық қоғамның жеке тәсілмен орналастырылған және білікті инвестор сатып алған акциялары басқа білікті инвесторға ғана мемлекеттік тіркеуден өткізілмей берілуі мүмкін.

6. Қоғамның акцияларын кез келген тәсілмен орналастыруға осы акциялар эмиссиясының уәкілетті орган берген ұлттық сәйкестендіру нөмірі болған жағдай ғана рұқсат етіледі. Бағалы қағаздар эмиссиясына ұлттық сәйкестендіру нөмірлерін берудің тәртібін уәкілетті орган белгілейді.

27-бап. Қоғамның орналастыратын акцияларын төлеуі

1. Акцияларды қоғам атаулы немесе нарықтық құны бойынша орналастырады.
Б ұ л е р е ж е :

1) нарықтық бағасы осындай акцияларды орналастыру бағасына проценттік арақатынасында белгіленген андеррайтерлік сыйақы мөлшерінен төмен бола алмайтын баға бойынша андеррайтерлер орналастыратын акцияларға;

2) опционға сәйкес орналастырылатын акцияларға;

3) осы қоғамның басқа бағалы қағаздарын конверсиялау жолымен орналастырылатын акцияларға қолданылмайды.

2. Қоғамның акцияларын төлеуге ақша, мүліктік құқықтар, жерді пайдалану құқығы, интеллектуалдық қызмет нәтижесіне құқықтар және өзге де мүлік енгізілуі мүмкін.

Акцияларды бағалы қағаздармен төлеуге соңғыларының бағалы қағаздардың ұйымдасқан рыногында белгіленетін құны бойынша ғана жол беріледі.

3. Қоғамның директорлар кеңесінің шешімі бойынша ақшадан басқа, акцияларды төлеу үшін енгізілетін өзге де мүлік оның ағымдағы нарықтық құны ескеріле отырып, ақшамен бағаланады. Қоғам осы мүлікті бағалау туралы шешімде оның құны белгіленген негіздерді көрсетуге міндетті. Акциялар үшін ақы төлеуге енгізілетін салымды, оның бағасын тәуелсіз аудитор растауға тиіс. Қоғамның жарғысында акцияларды төлеуге қолданылатын мүліктің түрлеріне ш е к т е у б е л г і л е н у і м ү м к і н .

4. Акциялар үшін төлем ретінде мүлікті пайдалану құқығы берілген жағдайларда бұл төлемнің мөлшері осы мүлікті қоғамның бүкіл пайдалану мерзімі үшін есептелген пайдалану ақысымен айқындалады.

Пайдалану құқығы қоғамның акциялары үшін ақы төлеу болатын мүлікті акционерлердің жалпы жиналысының келісімінсіз мерзімінен бұрын алып қоюға ж о л б е р і л м е й д і .

5. Қоғамның акциялары құрылтайшылар арасында олардың атаулы құны б о й ы н ш а о р н а л а с т ы р ы л а д ы .

Қоғамның құрылтайшылар арасында орналастырылатын жарияланған акциялары, егер құрылтай шартында акцияларды толық төлеудің неғұрлым ерте мерзімі көзделмесе, қоғам мемлекеттік тіркелген күннен бастап бір жылдың і ш і н д е т о л ы қ т ө л е н у г е т и і с .

Сатып алған акцияларының құнын белгіленген мерзімде толық көлемінде төлемеген құрылтайшы қоғамның шешімі бойынша құрылтайшылар қатарынан шығарылған болып танылады, бұл туралы оған тиісті хабарлама жіберіледі. Мұндай құрылтайшының құрылтай шартымен белгіленген құқықтары мен міндеттері оны құрылтайшылар қатарынан шығарылған деп тану туралы шешім қабылданған күннен бастап тоқтатылады.

Құрылтайшы акцияларды толық төлемеген жағдайда акциялар құнының төленбеген бөлігі қоғамның шешімі бойынша акцияларды қайта бөлуге сәйкес қоғамның жарғысында белгіленген тәртіппен төлеу үшін басқа құрылтайшыға б е р і л у і м ү м к і н .

6. Толық төленбеген акциялар мен қоғам сатып алған акциялардың дауыс беру құқығы болмайды және олар бойынша дивидендтер төленбейді.

28-бап. Қоғамның шығарылған акцияларды сатып алуы

1. Қоғамның шығарылған акцияларды сатып алуы осы заңға сәйкес белгіленген, шығарылған акцияларды сатып алу туралы хабарландырылған күннің алдындағы соңғы отыз күнтізбелік күндегі олардың нарықтық орташа есептелген бағасы бойынша немесе сатып алу туралы талаптың бағасы бойынша жүргізіледі. Қоғамның шығарылған акцияларды сатып алуы акцияларды қайта бөлу не жою мақсатында және қоғамның жарғысында көзделген басқа да негіздер бойынша жүзеге асырылады.

2. Егер қоғамның жарғысында және (немесе) қоғам акционерлерінің жалпы жиналысының шешімінде өзгеше көзделмесе, шығарылған акцияларды қоғамның сатып алуы заңмен белгіленген тәртіппен қоғамның директорлар кеңесінің шешімі бойынша жүзеге асырылады. Шешімде сатып алынатын акциялардың саны, олардың түрлері мен санаттары, сатып алу бағасы мен төлеу мерзімдері көрсетілуге тиіс.

3. Қоғамның мөлшері шығарылған акциялардың жалпы мөлшерінен бір процент асатын шығарылған акцияларды сатып алуы туралы ұсыныс бағасы мен сатып алу шарттары бойынша барлық акционерлер үшін бірдей дәрежеде қол жетерлік болуы және баспасөз басылымында жариялануға тиіс. Шығарылған акцияларды сатып алу туралы ұсыныста акциялар сатып алынатын мерзім мен ола аяқталғаннан кейін қоғам оларды сатып алудан бас тартуға хақылы мерзім көрсетілуге тиіс.

4. Қоғамның :

1) қоғамның эмиссияланған акциялары толық төленгенге дейін;

2) егер қоғамның шығарылған (төленген) жарғылық капиталы акцияларды сатып алудың нәтижесінде қоғамның тиісті үлгісі үшін шығарылған (төленген) жарғылық капиталдың ең төменгі мөлшерінен кем болып қалса;

3) егер акцияларды сатып алу кезінде қоғам төлемге қабілетсіз немесе дәрменсіз (банкрот) болса, немесе акцияларды сатып алу нәтижесінде осындай болуы мүмкін болса ;

4) егер акцияларды сатып алу кезінде қоғамның өз капиталы шығарылған (төленген) капиталдың мөлшерінен кем болса, акцияларды сатып алуды жүзеге асыруға құқығы жоқ .

5. Қоғам сатып алатын акциялардың мөлшері қоғамның шығарылған акциялардың жалпы мөлшерінің жиырма бес процентінен аспауға тиіс, ал қоғам акциялар сатып алуға жұмсайтын қаражат қоғамның акцияларын сатып алу туралы шешім қабылданған күнгі немесе осы баптың 6-тармағының ережелеріне сәйкес сатып алу құқығы пайда болған күнгі қоғамның өз капиталының он процентінен аса алмайды. Егер акциялардың оларға қатысты сатып алу туралы талаптар (ұсыныстар) мәлімделген жалпы саны қоғам жоғарыда белгіленген шектеуді ескере отырып сатып алу мүмкін акциялар санынан артық болса, акциялар акционерлерден мәлімделген талаптарға (ұсыныстарға) бара-бар сатып алынады .

6. Қоғам қайта құрылған, қоғам ірі мәмілелер жасаған не қоғамның жарғысына акционердің құқығын шектейтін өзгеріс енгізілген кезде, егер ол осындай шешімді қабылдауға қарсы дауыс берсе немесе акционерлердің осындай шешім қабылдаған жалпы жиналысына қатыспаса, акционердің талабы бойынша қоғам акцияларды сатып алуға міндетті.

Акционер өзіне тиесілі қоғамның акцияларын жалпы жиналыс тиісті шешім қабылдағаннан кейінгі отыз күн ішінде, олардың атаулы құнынан кем емес бағамен сатып алуды талап етуге хақылы.

Акционер аталған талаптарды қойған жағдайда қоғам акционер қоғамға өтініш жасаған күннен бастап отыз күн ішінде оған тиесілі акцияларды сатып алуға міндетті.

7. Акционер қоғамның акцияларды сатып алудан бас тартуына, сондай-ақ онымен келіспеген жағдайда акциялардың сатып алу бағасына сот тәртібімен шағым жасауға құқылы.

8. Қоғам сатып алған акциялар туралы мәліметтер қоғамның акцияларын ұстаушылардың тізіліміне міндетті түрде енгізілуге тиіс.

9. Егер қоғамды қайта құру, қоғамның ірі мәмілелер жасау немесе қоғамның жарғысына өзгерістер енгізу туралы шешімдер қабылданған кезде акционерлер құқықтарының бұзылғаны не акционерлердің құқықтарын шектеуге әкеп соқпайтын шешімдер қабылдауға акционерлердің әдейі кедергі жасайтыны анықталса, қоғамның директорлар кеңесінің не қоғамның дауыс берілетін акцияларының кемінде он процентін ұстаушылардың өтініші бойынша уәкілетті орган осы баптың 5 және 6-тармақтарында белгіленген шектеулердің күшін жоюға хақылы.

29-бап. Ашық қоғамның акцияларымен мәмілелер жасаудың ерекшеліктері

1. Акционерлерінің саны бес жүзден асатын ашық қоғамның дауыс беретін акцияларының отыз және одан да көп процентін өзі дербес немесе өзінің аффилиирленген тұлғаларымен бірлесіп сатып алуға ниеті бар тұлға қоғамға және уәкілетті органға бұл жөнінде хабарлама жіберуге міндетті. Хабарламада сатып алынатын акциялардың саны, сатып алудың жорамалданып отырған бағасы туралы мәліметтер және уәкілетті органның талап етуі бойынша өзге де мәліметтер болуға тиіс.

2. Қоғамның акцияларын акционерлердің сатуына қоғамның кедергі жасауға құқығы жоқ. Қоғамның өз акцияларын сатқысы келетін тұлғаға осы акцияларды ұсынылған бағадан жоғары бағаға қоғамның өзі немесе үшінші тұлғалардың сатып алуы туралы ұсыныс жасауға және ұсыныстың мәтінін уәкілетті органға жіберуге құқығы бар. Сатып алу туралы ұсыныста акциялардың саны, бағасы және осы акцияларды үшінші тұлғалар сатып алған жағдайдағы сатып алушының реквизиттері туралы мәліметтер болуға тиіс.

3. Ашық қоғамның дауыс беретін акцияларының отыз және одан да көп процентін жеке немесе өзінің аффилиирленген тұлғаларымен бірлесіп сатып алған тұлға сатып алған күннен бастап отыз күннің ішінде қалған акционерлерге қоғамның оған тиесілі акцияларын қоғам акцияларының бумасын сатып алу

өткізілген күннің алдындағы соңғы алты айдың ішіндегі қоғамның акцияларды сатып алуының орташа бағасынан төмен емес баға бойынша сатуға жасалған ұсынысты ресми баспасөз басылымында жариялауға міндетті. Акционер сату туралы ұсыныс жарияланған күннен бастап отыз күннен аспайтын мерзімде өзіне тиесілі акцияларды сату туралы ұсынысты қабылдауға немесе ұсыныстан бастартуға құқылы.

Акционерге өздеріне тиесілі акцияларды сатып алу туралы жасалған ұсыныста атын (атауын), мекен-жайын (орналасқан жерін), оларға тиесілі акциялардың санын және акцияларды сатып алудың ұсынылған бағасын қоса алғанда, қоғамның дауыс беретін акцияларының отыз және одан да көп процентін сатып алған тұлға және оның аффилиирленген тұлғалары туралы деректер болуға тиіс.

Акционердің өзіне тиесілі акцияларды сатып алуға жазбаша келісімі алынған жағдайда сатып алу туралы ұсынысты жариялаған тұлға отыз күннің ішінде осы акцияларды төлеуге міндетті.

Осы тармақта көрсетілген акцияларды сатып алу тәртібі сақталмаған жағдайда қоғамның дауыс беретін акцияларының отыз және одан да көп процентін иеленетін тұлға өзіне тиесілі акциялардың қоғамның дауыс беретін акцияларының жиырма тоғыз процентінен асатын бөлігін иеліктен айыруға міндетті.

4. Халықтық қоғамның дауыс беретін акцияларының бес немесе одан да көп процентін өзі дербес немесе өзінің аффилиирленген тұлғаларымен бірлесіп сатып алған кез келген тұлға соңғы он екі айдың ішінде уәкілетті органға және осы акциялардың бағасын кесетін, сауда-саттықты ұйымдастырушыға бағалы қағаздар туралы заңдарда белгіленген тәртіппен осындай сатып алу туралы ақпарат беруге міндетті.

5. Халықтық қоғамның дауыс беретін акцияларының бірден бес немесе одан да көп процентін өзі дербес немесе өзінің аффилиирленген тұлғаларымен бірлесіп сатып алған кез келген тұлға уәкілетті органға бағалы қағаздар туралы заңдарда белгіленген тәртіппен осындай сатып алу туралы жеті күн ішінде хабарлауға тиіс.

30-бап. Акцияларды бөлшектеу (сплит) және топтастыру

1. Қоғам акционерлерінің жалпы жиналысының шешімі бойынша қоғам өзінің бұрын шығарылған акцияларын бөлшектеуге (сплит) не топтастыруға хақылы. Акцияларды бөлшектеу (сплит) немесе топтастыру қоғамның шығарылған (төленген) жарғылық капиталының мөлшерін өзгертуге әкеп соқтырмауға тиіс.

2. Акцияларды бөлшектеу (сплит) олардың атаулы құнын сайма-сай кемітумен бір мезгілде, шығарылған акциялардың жалпы санын көбейту

ж о л ы м е н

ж ү р г і з і л е д і .

3. Акцияларды топтастыру олардың атаулы құнын сайма-сай көбейтумен бірге, бір мезгілде, акциялардың жалпы санын кеміту жолымен жүргізіледі.

4. Бөлшектелген (қосылған) жағдайда акциялардың бөлшектелген бөлігі б о л м а у ғ а т и і с .

5. Акцияларды бөлшектеу (қосу) немесе топтастыру акционерлердің құқықтарын шектеуге әкеп соқтырмауға тиіс.

31-бап. Туынды бағалы қағаздар

1. Қоғам бағалы қағаздар рыногы туралы заңдарға сәйкес қоғам акционерлерінің жалпы жиналысының немесе директорлар кеңесінің шешімі бойынша варранттарды және туынды бағалы қағаздардың басқа түрлерін шығаруды жүзеге асыруға х а қ ы л ы .

Қоғам туынды бағалы қағаздарды Қазақстан Республикасынан тыс жерлерде шығаруға және орналастыруға құқылы. Аталған туынды бағалы қағаздардың шығарылуы оларды аумағында шығару жүзеге асырылатын мемлекеттің заңдарының реттеу нысанасы болып табылады.

Коммерциялық емес ұйым болып табылатын қоғамның туынды бағалы қағаздар шығаруға құқығы жоқ.

2. Варрант қоғам шығаратын және оны ұстаушының белгілі бір уақыт ішінде қоғамнан варрантта белгіленген баға бойынша осындай қоғамның тиісті бағалы қағаздарының белгілі бір санын сатып алуға құқығын куәландыратын туынды бағалы қағаз болып табылады.

Қоғам акциялар немесе облигациялар эмиссиясымен бірге варранттар шығаруды жүзеге асыруға құқылы. Варранттар шығарылғаннан кейін бағалы қағаздардан бөлінеді және варрантта көрсетілген бағалы қағаздар сатып алынғанға дейін бағалы қағаздар рыногында дербес айналыста болады. Варрант бөлінгеннен кейін бағалы қағаздың сатылу құны варрант бағасына кемітіледі.

Қоғамның болашақтағы бағалы қағаздар эмиссиясы есебінен қоғам варранттар шығаруды жүзеге асыруға х а қ ы л ы .

Аталған варранттар оларды иеленушілерге қоғамнан оның бағалы қағаздарын варрантта белгіленген баға бойынша, варрантта белгіленген кезең шегіндегі кез келген уақытта сатып алу құқығын береді.

Варранттардың айналысы мерзімін, оларды өтеудің бағасы мен тәртібін оларды шығару кезінде бағалы қағаздар рыногы туралы заңдарға сәйкес қоғам б е л г і л е й д і .

Варрант оны иеленушіге дауыс беру құқығын бермейді және ол бойынша д и в и д е н д т е р е с е п т е л м е й д і .

3. Туынды бағалы қағаздардың шығарылуын тіркеу тәртібі бағалы қағаздар рыногы туралы заңдарда белгіленеді.

Варранттар шығаруды жүзеге асыратын қоғам бұл туралы мәліметтерді бағалы қағаздардың эмиссиясын мемлекеттік тіркеу үшін уәкілетті органға берілетін тиісті бағалы қағаздар эмиссиясының проспектісіне (шығару шарттарына) енгізуге міндетті.

32-бап. Опциондар

1. Қоғам органының шешімі бойынша қоғам опцион тарапына қоғам шығаратын бағалы қағаздардың белгілі бір санын сатып алуға немесе сатуға артықшылықты құқық беретін опциондар жасасуға құқылы.

Халықтық қоғамның осы қоғамның шығарған акциялардың бір процентінің құнынан асатын опциондар жасауы қоғам акционерлерінің жалпы жиналысының шешімі бойынша ғана жүзеге асырылады.

2. Опциондар жасаудың тәртібі мен шарттары және олардың айналысы бағалы қағаздар рыногы туралы заңдармен реттеледі.

33-бап. Облигациялар

1. Қоғам (коммерциялық емес ұйымнан басқа), егер қоғамның жарғысында өзгеше белгіленбесе, акционерлердің жалпы жиналысының шешімі бойынша қоғамның бұдан кейінгі қызметі үшін қаражат тарту мақсатында облигациялар шығаруға хақылы. Облигациялардың меншік иелеріне, егер жарғыда өзгеше көзделмесе, қоғамды басқаруға қатысу құқықтары берілмейді.

Облигациялардың атаулы құны - Қазақстан Республикасының Ұлттық валютасымен де, шетелдік валютамен де белгіленеді. Атаулы құны шетелдік валютамен белгіленген облигацияларды төлеу Қазақстан Республикасының валюталық заңдарына сәйкес жүргізіледі.

2. Облигацияларды шығару тәртібі бағалы қағаздар рыногы туралы заңдармен реттеледі.

3. Облигациялар эмиссиясы бағалы қағаздар рыногы туралы заңдарда белгіленген тәртіппен мемлекеттік тіркелуге тиіс.

4 . Қ о ғ а м :

1) қоғамның белгілі бір мүлкінің кепілімен қамтамасыз етілген;
2) үшінші тұлғалардың кепілдіктерімен қамтамасыз етілген;
3) қамтамасыз етпестен заңдарда белгіленген тәртіппен облигациялар шығаруға құқылы.

Қоғам купондық және дисконттық облигациялар шығаруға құқылы.

5. Облигациялар бойынша сыйақылар (мүддені) төлеу және облигацияларды өтеу оларды мерзімінен бұрын өтеу көзделуі мүмкін болатын облигациялар шығарылымы шарттарына сәйкес жүзеге асырылады. Қоғамның облигация шығарудың шарттарын өзгертуге құқығы жоқ.

6. Қоғам акционерлерінің жалпы жиналысы шешім қабылдап, бұл жөнінде уәкілетті органға хабарлағаннан кейін және оларды уәкілетті орган белгілеген

тәртіппен орналастыру туралы кейіннен есеп берген соң қоғам халықаралық облигациялар шығаруды жүзеге асыруға құқылы.

Халықаралық облигациялар шығаруды реттеу аумағында оларды шығару жүзеге асырылатын мемлекеттің заңдарымен белгіленеді.

34-бап. Конверсияланатын бағалы қағаздар

1. Бағалы қағаздарды конверсиялау бағалы қағаздардың бір түрін нақ сол эмитенттің бағалы қағаздарының басқа түріне айырбастау жолымен эмитенттің бағалы қағаздарды өтеуі болып табылады.

2. Конверсияланатын бағалы қағаздарды шығару қоғамның жарғысында көзделуге тиіс. Олай болмаған жағдайда бағалы қағаздарды конверсиялау заңсыз болып табылады, ал оларды шығаруға байланысты мәмілелер сот тәртібімен жарамсыз деп танылуы мүмкін.

Коммерциялық емес ұйым болып табылатын қоғамның конверсияланатын бағалы қағаздар шығаруға құқығы жоқ.

3. Облигацияларды акцияларға айырбастаудың тәртібі облигацияларды айналысқа шығару шарттарымен белгіленеді.

Конверсиялау бағасы акцияның нарықтық бағасынан немесе атаулы құнынан (қандай шаманың көп екендігіне қарай) төмен болмауы керек және облигацияларды шығару шарттарымен айқындалады.

Конверсиялауға арналған құқық, егер облигацияларды айналысқа шығару шарттарында өзгеше көзделмесе, облигациялар шығарылған күннен бастап бес жылдан аспайтын кезеңде іске асырылады.

4. Артықшылықты акцияларды жай акцияларға конверсиялауға болады. Конверсиялау бағасы жай акциялардың артықшылықты акцияларды конверсиялау туралы шешім қабылданған күнгі атаулы құнынан төмен болмауы керек. Конверсиялау құқығы мен конверсиялау шарты қоғамның жарғысында белгіленеді.

5. Егер қоғамның жарияланған акцияларының саны осындай бағалы қағаздар сатып алу құқығын беретін акциялардың санынан аз болса, қоғамның акцияларына конверсияланатын облигацияларды және өзге де бағалы қағаздарды орналастыруға құқығы жоқ.

6. Конверсияланатын бағалы қағаздар шығарылған жағдайда, облигацияларды айналысқа шығару шартында немесе акциялар эмиссиясының проспектінде бағалы қағаздарға айырбастауға сәйкестігі болуға тиіс.

35-бап. Қоғамның бағалы қағаздарын ұстаушылар тізілімі

1. Бағалы қағаздардың эмиссиясы қоғамның бағалы қағаздарын ұстаушылар тізілімінде міндетті түрде көрсетіледі.

Қоғам мемлекеттік тіркеуден өткен кезден бастап бір айдан кешіктірмей

қоғамның бағалы қағаздарын ұстаушылардың тізілімін жасақтауды, жүргізуді және сақтауды қамтамасыз етуге міндетті. Бағалы қағаздарды ұстаушылардың тізілімін жасақтау, жүргізу және сақтау тәртібі бағалы қағаздар рыногы туралы заңдармен белгіленеді.

2. Жабық қоғам мен акционерлерінің саны бес жүзден аспайтын ашық қоғам уәкілетті орган берген және бағалы қағаздармен мәмілелерді тіркеу жөніндегі қызметті жүзеге асыру құқығын беретін біліктілік куәлігін алған маман болған кезде акционерлердің жалпы жиналысы бекітетін ішкі ережеге сәйкес акция ұстаушылардың тізілімін дербес жүргізуге, жасақтауға және сақтауға хақылы.

3. Акционерлерінің саны бес жүзден асатын ашық қоғамның бағалы қағаздарын ұстаушылардың тізілімін дербес жасақтауды, жүргізуді және сақтауды тәуелсіз тіркеушіге тапсыруға міндетті.

4. Халықтық қоғамның акцияларын ұстаушылардың тізілімін жасақтауды, жүргізуді және сақтауды уәкілетті орган белгілеген тәртіппен Орталық депозитарий немесе тәуелсіз тіркеуші жүзеге асырады.

5. Қоғамның акцияларынан басқа бағалы қағаздарын ұстаушылардың тізілімін жасақтауды, жүргізуді және сақтауды тәуелсіз тіркеуші жүзеге асырады.

6. Бағалы қағаздарды ұстаушылардың тізілімін жүргізу жөніндегі қызмет көрсету туралы шарт жасасу үшін қоғам тәуелсіз тіркеушіге мынадай құжаттар беруге міндетті:

1) тәуелсіз тіркеушіні таңдауға уәкілетті қоғам органының шешімі;
2) бағалы қағаздар ұстаушылар тізілімін жүргізу жөнінде шарт жасасу күніндегі бағалы қағаздарды ұстаушылардың тізімі;

3) жарғының көшірмесі;

4) қоғамды мемлекеттік тіркеу (қайта тіркеу) туралы куәліктің және статистикалық карточканың көшірмесі;

5) уәкілетті орган, егер мұндай орган бар болса, тіркеген шығарылған акциялардың шығарылуы мен орналастырылуының қорытындылары туралы есептің көшірмесі және (немесе) бағалы қағаздар иелерінің құқығын растайтын басқа да құжаттар;

6) уәкілетті органның белгісі бар акциялардың эмиссиялары проспектісінің немесе облигацияларды шығару шарттарының көшірмесін.

Бағалы қағаздарды ұстаушылар тізілімін жүргізу жөніндегі шартты қоғамның директорлар кеңесі бекітуге тиіс.

7. Тәуелсіз тіркеуші акционерлердің жалпы жиналысын өткізуге дейін жиырма күннен кешіктірмей қоғамға акционерлердің жалпы жиналыс өткізетіндігі туралы акционерлерге хабарлау үшін акционерлер, олардың өкілдері мен атаулы ұстаушылар туралы мәліметтер беруге міндетті.

8. Қоғамның бағалы қағаздарын ұстаушылардың тізілімінде тіркелген тұлға өзінің деректерінің өзгергендігі туралы қоғамның тізілім ұстаушысына он күн ішінде хабарлауға міндетті. Мұндай ақпарат берілмеген жағдайда қоғам және (немесе) тәуелсіз тіркеуші аталған ақпараттың берілмеуі салдарынан келтірілген залал үшін жауапкершіліктен босатылады.

36-бап. Бағалы қағаздар шығару нысаны

1. Қоғам бағалы қағаздарды құжаттық немесе құжатсыз нысанда шығарады. Бағалы қағаздарды шығару нысаны оларды шығару туралы шешім қабылданған к е з д е а й қ ы н д а л а д ы .

2. Ұйымдастырылған рынокта айналысқа түсірілетін акциялар құжатсыз нысанда ғана шығарылады.

37-бап. Құжаттық нысанда шығарылатын бағалы қағаздардың мазмұны

1. Қоғам құжаттық нысанда шығаратын бағалы қағазда:

- 1) қоғамның мемлекеттік және орыс тілдерінде жазылған толық және қысқаша атауы мен оның орналасқан жері;
- 2) бағалы қағаздың атауы, шығарылған нөмірі мен күні;
- 3) бағалы қағаздың түрі және санаты;
- 4) бағалы қағаздың атаулы күні;
- 5) облигациялар бойынша сыйақының (мүдденің) мөлшері және артықшылықты акциялар бойынша дивидендтер, сондай-ақ оларды төлеу мерзімі ;
- 6) бағалы қағаз иесінің есімі (атауы);
- 7) қоғамның жарияланған жарғылық капиталының мөлшері;
- 8) жарияланған бағалы қағаздар саны;
- 9) облигацияларды өтеу мерзімі;
- 10) басқа бағалы қағаздарға конверсиялау шарттары;
- 11) директорлар кеңесі төрағасының немесе уәкілдік берілген адамның қолы мен қоғам мөрінің таңбасы болуға тиіс.

2. Артықшылықты акцияда дауыс беру құқығы туралы деректерді қоса (егер мұндай құқығы болса), оның иесі үшін белгіленген артықшылықтар туралы ақпарат болуға тиіс.

38-бап. Бағалы қағаздарға құқықтарды растау

1. Қоғамның тізілім ұстаушысы меншік иесінің, акцияның атаулы ұстаушысының, сондай-ақ кепіл ұстаушының талап етуі бойынша оларға тізілімнен қоғамның бағалы қағаздарына олардың құқықтарын растайтын к ө ш і р м е б е р у г е м і н д е т т і .

2. Бағалы қағаздың өзі немесе бағалы қағаздарды ұстаушылардың тізілімінен көшірме құжаттық нысанда шығарылған бағалы қағаздарға құқықтарды растау

болып табылады. Олардың арасында айырмашылық болған жағдайда бағалы қағаздарды ұстаушылардың тізілімінен көшірме басым болады.

3. Құжатсыз бағалы қағаздарға құқықтарды растауды бағалы қағаздарды ұстаушылардың тізілімінен көшірме немесе атаулы ұстаушының шотынан көшірме беру жолымен тізілімді ұстаушы немесе атаулы ұстаушы жүзеге асырады. Тәуелсіз тіркеушіде тізілім жүргізуге міндетті қоғам акцияларды тек құжатсыз нысанда ғана шығарады. Көшірме бағалы қағаздар ұстаушысына олардың жалпы санына беріледі және онда:

1) қоғамның мемлекеттік және орыс тілдеріндегі толық және қысқартылған атауы мен оның орналасқан жері;

2) бағалы қағаздардың түрлері мен санаттары;

3) бағалы қағаздардың нөмірлері;

4) бағалы қағаздардың атаулы құны;

5) бағалы қағаз эмиссияларының сомалары, жарияланған бағалы қағаздардың жалпы саны және акциялар эмиссиясының тіркелген күні (бұл қажет болса);

6) меншік иесіне тиесілі бағалы қағаздар саны;

7) бағалы қағаздың меншік иесінің есімі (атауы);

8) облигацияларды өтеу мерзімі;

9) бірінші басшының немесе тізілім ұстаушының немесе атаулы ұстаушының уәкілдік берген өкілінің мөрі мен қолы;

10) тізілім ұстаушының немесе атаулы ұстаушының атауы;

11) жарияланған жарғылық капиталдың мөлшері болуға тиіс.

39-бап. Қоғамның бағалы қағаздарын кепілге салу

1. Қоғамның бағалы қағаздарын кепілге салу құқығын қоғам жарғысының ережелерімен шектеуге немесе жоюға болмайды.

Егер кепілге салу шарттарында өзгеше көзделмесе, акционердің өзі кепілге салған акциялар бойынша дивидендтер алуға да, дауыс беруге де құқығы бар.

2. Қ о ғ а м , е г е р :

1) кепілге берілетін бағалы қағаздарға толық ақы төленген;

2) қоғамның кепілге беретін және онда кепілде жатқан бағалы қағаздардың жалпы саны қоғамның шығарылған (төленген) жарғылық капиталының он процентінен аспайтын мөлшерін құраған;

3) кепіл шартын акционерлердің жалпы жиналысы немесе қоғамның директорлар кеңесі мақұлдаған жағдайда ғана өзі шығарған бағалы қағаздарды кепілге қабылдай алады.

3. Қоғам шығарған және онда кепілде жатқан акциялар акционерлердің жалпы жиналысының кворумын анықтау кезінде есепке алынбайды және акционерлердің жалпы жиналысының шешімдер қабылдауына қатыспайды.

5-тарау. АКЦИЯЛАРДЫҢ СОТ ШЕШІМІ БОЙЫНША ҚОСЫМША ЭМИССИЯСЫ

40-бап. Акциялардың сот шешімі бойынша қосымша эмиссиясы ұғымы және оны жариялау негіздері

1. Акциялардың сот шешімі бойынша қосымша эмиссиясы (бұдан әрі - акциялардың қосымша эмиссиясы немесе қосымша эмиссия) - жарияланған (акциялардың қосымша эмиссиясының көлемі жарияланған және шығарылған (төленген) жарғылық капитал арасындағы айырмадан артық болған жағдайда) және шығарылған (төленген) жарғылық капиталдың көбеюімен бірге осы тарауда белгіленген тәртіпке сәйкес, сот органдарының шешімдері негізінде жүзеге асырылатын жай акциялар эмиссиясы.

2. Егер қоғамның салық және бюджетке, бюджеттен тыс мемлекеттік қорларға төленетін басқа да міндетті төлемдер бойынша берешегі, сондай-ақ мемлекеттік бюджет алдындағы кез келген басқа да берешектері үш айдан астам кешіктірілген (бұдан әрі - қоғамның кешіктірілген берешегі) және мемлекеттік бюджет пен мемлекеттік бюджет есебінен қаржыландырылатын ұйымдардың қоғам алдындағы мерзімі өткен берешегі қоғамның шығарылған (төленген) жарғылық капиталы мөлшерінің үштен екісінен кем болмаса, Қазақстан Республикасының Үкіметі белгілеген мемлекеттік орган (бұдан әрі - мемлекеттік орган) қоғамның атқарушы органына мұндай қоғамның кейіннен кідіріссіз орналастыра отырып, акцияларының қосымша эмиссиясын шығару жөнінде сот органдарына жүгінгені туралы қоғамның атқарушы органына хабарлайды.

3. Қоғамның осындай хабарлама алған кезден бастап отыз күн ішінде қоғамның мерзімі өткен берешегін өтеу туралы мәселені талқылау және шығарылған (төленген) жарғылық капиталдың мөлшерін ұлғайту туралы шешім қабылдау үшін қоғам акционерлердің кезектен тыс жалпы жиналысын шақыруға қ ұ қ ы ғ ы б а р .

Мемлекеттік орган акциялардың қосымша эмиссиясын шығару жайында сот органдарына жүгінген жағдайда ол сонымен бір мезгілде өз есебінен бұқаралық ақпарат құралдарында акциялардың ұсынылғалы отырған қосымша эмиссиясы туралы осындай акцияларды сатып алуға мүдделі адамдарға алдын ала акциялардың саны мен олардың бағасын көрсете отырып, өтінімдер беруге ұсыныс жасау жайында хабарландыру жариялауға тиіс. Өтінім беру оны берген тұлғаға өтінім шарттарына сәйкес акцияларды сатып алу жөнінде міндеттеме жүктемейді. Егер бұқаралық ақпарат құралдарында осындай хабарландыру алғаш рет жарияланған күннен бастап отыз күн ішінде акциялардың қосымша эмиссиясын сатып алуға алдын ала өтінімдер берілмеген жағдайда не берілген өтінімдер көлемі (сатып алуға ұсынылған акциялардың топшыландырылған саны мен олардың бағалары негізге алына отырып есептелген) қоғамның мерзімі өткен

берешегінің үштен бірінен кемін құрайтын болса, мемлекеттік орган сот органдарына талап қоюдан бас тартатыны жөнінде мәлімдейді.

4. Сот шешімі күшіне енген күннен бастап эмиссияланатын қосымша акцияларды орналастыру аяқталғанға дейін қоғамның мерзімі өткен берешегі бойынша айыпақы (айыппұл, өсім) есептеу тоқтатыла тұрады.

5. Акциялардың қосымша эмиссиясының жарияланған сомасы мемлекеттік бюджеттің және мемлекеттік бюджет есебінен қаржыландырылатын ұйымдардың қоғамға сот акциялардың қосымша эмиссиясы туралы шешім қабылдаған күнге қарай қалыптасқан, мерзімі өтіп кеткен берешегін шегеріп тастағандағы қоғамның мерзімі өтіп кеткен берешегінің сомасына тең болуға тиіс .

6. Осы тараудың талаптары банктерге және банк операцияларының жекелеген түрлерін жүзеге асыратын ұйымдарға қолданылмайды.

41-бап. Акциялардың қосымша эмиссиясын тіркеу

1. Акциялардың қосымша эмиссиясын тіркеуді уәкілетті орган соттың күшіне енген шешімі негізінде бір апта мерзімде жүзеге асырады. Акциялардың қосымша эмиссиясын тіркеу алдыңғы эмиссиядағы акцияларды шығару мен орналастырудың қорытындылары туралы бекітілмеген есеп болған жағдайда да жүзеге асырылуы мүмкін .

2. Акциялардың қосымша эмиссиясын тіркеу рәсімдерін уәкілетті орган белгілейді .

3. Мемлекеттік орган акциялардың қосымша эмиссиясын тіркегеннен кейін жеті күн ішінде бұқаралық ақпарат құралдарында, сондай-ақ баспасөз басылымында қоғам акцияларының қосымша эмиссиясы туралы және оларды орналастыру шарттары туралы мәліметтер жариялайды.

4. Акциялардың қосымша эмиссиясын тіркеу және ол туралы мәліметтер жариялау қоғам есебінен жүргізіледі.

42-бап. Қосымша эмиссияланған акцияларды орналастыру

1. Қосымша эмиссияланған акцияларды орналастыруды мемлекеттік орган оны аукциондық әдіспен тіркегеннен кейін бір ай ішінде жүзеге асырады. Қосымша эмиссияланған акцияларды орналастыру қоғам есебінен жүзеге асырылады .

2. Қосымша эмиссияланған акцияларды акцияларын қосымша эмиссиялау жүзеге асырылатын қоғамның және онымен аффилиирленген тұлғалардың сатып алуына тыйым салынады .

3. Қосымша эмиссияланған акцияларды орналастыру қорытындылары туралы есепті мемлекеттік орган оларды орналастыру аяқталғаннан кейін жеті күннен кешіктірмей уәкілетті органға береді.

4. Қосымша эмиссияланған акцияларды орналастыру қорытындылары туралы

есепті бекітуді ол ұсынылған күннен бастап жеті күн ішінде уәкілетті орган
ж ү з е г е а с ы р а д ы .

Есепті бекіткеннен кейін қосымша эмиссияланған акцияларды сатып алған акционерлердің тізімін уәкілетті орган акциялары қосымша эмиссияланған қоғамның тізілімін ұстаушысына дереу жібереді, ол қоғамның акцияларын ұстаушылар тізіліміне үш күн ішінде тиісті өзгерістер енгізуге міндетті.

43-бап. Қосымша эмиссияланған акцияларды орналастырудың нәтижелері

1. Қосымша эмиссияланған акциялардың орналастырудан түскен ақша салық және бюджетке, бюджеттен тыс мемлекеттік қорларға, сондай-ақ мемлекеттік бюджет алдындағы басқа да міндетті төлемдер бойынша берешектерді өтеуге қоғамның олардың алдындағы берешектеріне барабар сомда жіберіледі. Мерзімі өткен берешектің сомасынан асатын қосымша эмиссияны орналастырудан қаражат сомасын алған жағдайда айырмасы қоғамның кірісіне жіберіледі.

Қосымша эмиссияланған акцияларды сатудан алынған ақшаны осы тармақта көрсетілгенінен өзге мақсаттарға пайдалануға тыйым салынады.

2. Қосымша эмиссияланған акцияларды шығару және орналастыру қорытындысы туралы есепті уәкілетті орган бекіткеннен кейін қоғамның салық және бюджетке, сондай-ақ бюджеттен тыс мемлекеттік қорларға төленетін басқа да міндетті төлемдер бойынша берешегі, сонымен қатар қоғамның мемлекеттік бюджет алдындағы басқа да берешектері түскен қаражат сомасына азайтылады.

3. Егер 42-баптың 1-тармағында көрсетілген мерзім аяқталғаннан кейін қосымша эмиссияланған акциялар орналастырылмаса, мемлекеттік органның өтініші бойынша сот атқарушылық іс жүргізуді тоқтату туралы ұйғарым шығарады , б ұ л р е т т е :

1) уәкілетті орган акциялардың қосымша эмиссиясын тіркеу туралы жа з б а н ы ң к ү ш і н ж о я д ы ;

2) салық және бюджетке, бюджеттен тыс мемлекеттік қорларға төленетін басқа да міндетті төлемдер бойынша берешектер жөніндегі, сондай-ақ мемлекеттік бюджет алдындағы басқа да берешектер жөніндегі айыпақыны (айыппұлды, өсімді) есептеу акциялардың қосымша эмиссиясы туралы сот шешімі күшіне енген күннен бастап қайта басталады.

44-бап. Қосымша эмиссияланған акцияларды орналастыру аяқталғанға дейін қоғамның берешегін өтеуі

Өзі жөнінде акциялардың қосымша эмиссиясы туралы шешім қабылданған қоғам оларды орналастырғанға дейін мерзімі өткен берешекті толық көлемінде, оны нақты өтеу күніне қалыптасқан мөлшерде өтеуге хақылы, бұл ретте:

1) мемлекеттік орган қосымша эмиссияланған акцияларды сату жөніндегі а у к ц и о н н ы ң к ү ш і н ж о я д ы ;

2) мемлекеттік органның өтініші бойынша сот атқарушылық іс жүргізуді тоқтату туралы ұйғарым шығарады;

3) уәкілетті орган акциялардың қосымша эмиссиясын тіркеу туралы жазбаның күшін жояды.

45-бап. Қосымша эмиссияланған акцияларды сатып алған акционерлердің құқықтары

Қосымша эмиссияланған акцияларды сатып алған акционерлер осы қоғамның басқа акционерлерімен бірдей құқықтарды пайдаланып, сондай міндеттерді атқарады.

6-тарау ҚОҒАМДЫ БАСҚАРУ

46-бап. Қоғамның органдары

1. Қоғамның органдары:

1) жоғары орган - акционерлердің жалпы жиналысы;

2) басқару органы - директорлар кеңесі;

3) атқарушы орган - алқалы (басқарма) немесе жеке-дара;

4) бақылаушы орган - алқалы (тексеру комиссиясы) немесе жеке дара (тексеруші);

5) қолданылып жүрген заңдарға сәйкес өзге де органдар болып табылады.

2. Жабық қоғамның жарғысында қоғамды, директорлар кеңесін құрмай басқару мүмкіндігі көзделуі мүмкін. Бұл жағдайда, директорлар кеңесінің айрықша құзыретіне осы Заңмен жатқызылған мәселелер акционерлердің жалпы жиналысының айрықша құзыретіне беріледі.

46-1-бап. Жарғылық капиталына мемлекет қатысатын қоғамды басқарудың ерекшеліктері

1. Республикалық меншіктегі акциялардың мемлекеттік пакетін иелену және пайдалану құқығын мемлекеттік меншікке билік етуге уәкілетті мемлекеттік орган өзге мемлекеттік органға Қазақстан Республикасы Үкіметінің немесе Ұлттық Банктің шешімі бойынша ғана беруі мүмкін.

2. Коммуналдық меншіктегі акциялардың мемлекеттік пакетін иелену және пайдалану құқығы жергілікті атқарушы органның шешімімен өзге мемлекеттік органға берілуі мүмкін.

3. Акциялардың мемлекеттік пакетін иелену және пайдалану құқығын жүзеге асырушы мемлекеттік орган Қазақстан Республикасының заңдарына сәйкес акционерлердің жалпы жиналысының құзыретіне жатқызылған мәселелер бойынша акционер ретінде мемлекет мүдделерін білдіреді.

Қазақстан Республикасының Үкіметі акциялардың мемлекеттік пакеттерін иеленуді және пайдалануды жүзеге асыратын мемлекеттік органдар мемлекет қатысатын акционерлердің жалпы жиналысында қабылдауға ұсынылатын шешімдердің жобаларын Қазақстан Республикасының Үкіметімен және (немесе)

мемлекеттік меншікке билік етуге уәкілетті мемлекеттік органмен алдын ала жазбаша келісіп алуды қамтамасыз етуге міндетті болатын мәселелердің тізбесін б е л г і л е й д і .

4. Ұлттық компаниялардың қаржы-шаруашылық қызметінің жоспарларын бекіту міндетті болып табылады.

Ұлттық компанияларды қоспағанда, акцияларының бақылау пакеті мемлекетке тиесілі қоғамның директорлар кеңесі қоғамның атқарушы органының ұсынуы бойынша қоғамның қаржы-шаруашылық қызметінің орта мерзімді және ағымдағы (жылдық) жоспарларын бекітеді.

Ұлттық компаниялардың индикативтік жоспарлары және жарғылық капиталына мемлекет қатысатын қоғамдардың қаржы-шаруашылық қызметінің жоспарлары мемлекеттік органдарға Қазақстан Республикасының заңдарында белгіленген тәртіппен және мерзімдерде табыс етіледі.

5. Қазақстан Республикасының өзге заң актілерінде көзделген жағдайларды қоспағанда, акцияларының бақылау пакеті мемлекетке тиесілі, Қазақстан Республикасы Үкіметінің шешімімен ұлттық экономиканың негізін құрайтын стратегиялық маңызды салаларда құрылған акционерлік қоғам ұлттық компания б о л ы п т а б ы л а д ы .

Ұлттық компаниялардың тізбесін Қазақстан Республикасының Үкіметі б е к і т е д і .

6. Жарғылық капиталына мемлекет қатысатын қоғамның атқарушы органы аталған акцияларды иелену және пайдалану құқығын жүзеге асыратын мемлекеттік органға акциялардың мемлекеттік пакетіне дивидендтер мөлшерінің болжамды көрсеткіштерін жоспарланып отырған жылдың алдындағы жылдың 1 сәуіріне дейін табыс етуге міндетті.

ЕСКЕРТУ. 46-1-баппен толықтырылды - Қазақстан Республикасы 2002.05.21. N 323 Заңымен.

47-бап. Қоғам акционерлерінің жалпы жиналысы

1. Қоғам жыл сайын акционерлердің жалпы жиналысын өткізуге міндетті. Қоғам акционерлерінің жылдық жалпы жиналысы қаржы жылы аяқталғаннан кейін бес ай ішінде өткізілуге тиіс. Аталған мерзім есепті кезеңдегі қоғам қызметінің аудитін аяқтау мүмкіндігі болмаған жағдайда үш айға дейін ұзартылған деп саналады.

Акционерлердің жылдық жиналыстан басқа жалпы жиналыстары кезектен т ы с б о л ы п т а б ы л а д ы .

2. Дауыс беру құқығынсыз артықшылықты акцияларды иеленген акционерлердің жалпы жиналысқа қатысуға және күн тәртібіндегі мәселелерді талқылауға қатысуға құқығы бар.

Осы Заңда көзделген жағдайларда дауыс беру құқығынсыз артықшылықты

акцияларды иеленген акционерлер акционерлердің жалпы жиналысында дауыс беруге қатысуға хакылы.

3. Әрбір акционердің жалпы жиналыста дауыс беру кезінде оған тиесілі дауыс беретін акциялар санына тең келетін дауыс саны болады, бұған осы Заңда немесе қоғамның жарғысында дауыстарды айқындаудың өзге де тәртібі көзделген жағдайлар кірмейді.

4. Акционерлердің жалпы жиналысына, егер қоғам акционерлерінің жалпы жиналысында немесе жарғысында өзгеше белгіленбесе, кез келген тұлға қатыса алады.

5. Жалпы жиналысты әзірлеуді және өткізуді қоғамның атқарушы органы не осы қоғамның тәуелсіз тіркеушісі немесе осы Заңға сәйкес өзге тұлға жүзеге асырады.

6. Жалғыз акционері бар қоғамда акционерлердің жалпы жиналысы өткізілмейді; осы Заңмен және қоғамның жарғысымен акционерлердің жалпы жиналысының құзыретіне жатқызылған мәселелер бойынша шешімдерді мұндай акционер өзі дербес қабылдайды және олар жазбаша түрде ресімделуге тиіс.

6-1. Егер қандай да болмасын тұлға қоғамның барлық дауыс беруші акцияларын иеленген жағдайда ол осы Заңмен және қоғамның жарғысымен акционерлердің жалпы жиналысының құзыретіне жатқызылған мәселелер бойынша шешімдерді акционерлердің жалпы жиналысын өткізбестен, осы шешімдер барлық немесе жекелеген санаттардың артықшылықты акцияларымен куәландырылған құқықтарға нұқсан келтірмесе және ол құқықтарды шектемесе, өзі дербес қабылдауға құқылы және олар жазбаша түрде ресімделуге тиіс.

6-2. Егер осы баптың 6 және 6-1-тармақтарымен белгіленген жағдайда қоғамның жалғыз акционері немесе қоғамның барлық дауыс беруші акцияларын иеленген тұлға заңды тұлға болып табылса, онда осы Заңмен және қоғамның жарғысымен акционерлердің жалпы жиналысының құзыретіне жатқызылған мәселелер бойынша шешімдерді заңдарға немесе оған (оларға) берілген өкілеттіктерге сәйкес осы заңды тұлғаның осындай шешімдерді қабылдауға құқықтары бар органы, лауазымды адамы (лауазымды адамдары) немесе қызметкері (қызметкерлері) қабылдайды.

ЕСКЕРТУ. 47-бап өзгерді және толықтырылды - Қазақстан Республикасының 1999.12.15. N 497 Заңымен.

48-бап. Акционерлердің жалпы жиналысының айрықша құзыреті

1. Акционерлердің жалпы жиналысының айрықша құзыретіне мынадай мәселелер жатады:

- 1) қоғамның жарғысына өзгерістер мен толықтырулар енгізу;
- 2) қоғамның үлгісін өзгерту;

3) қоғамды ерікті түрде қайта құру және тарату (осы Заңмен белгіленгендерді қоспағанда) ;

4) қоғамның директорлар кеңесін сайлау, оның сандық құрамын белгілеу және оның мүшелерінің өкілеттіктерін мерзімінен бұрын тоқтату;

5) қоғамның жарияланған жарғылық капиталының мөлшерін өзгерту;

б) қоғамның тексеру комиссиясының мүшелерін (тексерушіні) сайлау және олардың өкілеттігін мерзімінен бұрын тоқтату;

7) осы Заңда көзделген жағдайларды қоспағанда, есеп комиссиясының құрамын бекіту ;

8) қоғамның жылдық қаржылық есебін, қоғамның тексеру комиссиясының қорытындыларын бекіту ;

9) қоғамның акционерлердің алда тұрған жалпы жиналысын шақыруды акционерлерге хабарлау нысанын айқындау және осындай ақпаратты баспасөз басылымында жариялау туралы шешім қабылдау;

10) акцияларды бөлшектеу (сплит) және топтастыру;

11) акциялардың құнын оларды қоғам бағалы қағаздар рыногы туралы заңдарға сәйкес сатып алу кезінде айқындау әдістемесін бекіту;

12) қоғамның таза табысын бөлу тәртібі;

13) жыл қорытындысы бойынша дивидендтер мөлшерін бекіту;

14) қоғамға тиесілі барлық активтердің жиырма бес және одан көп процентін құрайтын сомадағы активтердің бір бөлігін немесе бірнеше бөлігін беру арқылы өзге заңды тұлғаларды құруға немесе олардың қызметіне қоғамның қатысуы туралы шешім қабылдау ;

15) ірі мәмілелерді және өзге де мәмілелерді осы Заңға сәйкес бекіту;

16) қоғамның облигацияларын және туынды бағалы қағаздарын шығару шарттары мен тәртібі ;

17) қоғамның өз капиталы мөлшерінің жиырма бес және одан да көп процентін құрайтын сомаға қоғамның міндеттемелерін көбейту туралы шешім қабылдау ;

18) лауазымды тұлғаларға, оның ішінде қоғамның директорлар кеңесі мүшелеріне төленетін сыйақының және (немесе) өтемақының мөлшерін бекіту;

19) қоғамның аудиторын бекіту;

19-1) "алтын акцияны" енгізу және күшін жою;

20) егер қоғамның жарғысында акционерлерге қоғамның қызметі туралы ақпараттар беру тәртібі белгіленбесе, осындай тәртіпті, соның ішінде баспасөз басылымын айқындау .

2. Осы баптың 1-тармағының 1)-3) тармақшаларында санамалап көрсетілген мәселелер жөніндегі шешімдерді қоғамның дауыс беретін акцияларының білікті көпшілігі, ал инвестициялық жекешелендіру қорларын қайта ұйымдастыру

процесінде құрылған қоғамдарда - дауыс беруге қатысқан акциялардың кемінде үштен екісі мөлшеріндегі көпшілік даусымен қабылдайды. Жалпы жиналыстың айрықша құзыретіне жатқызылған қалған мәселелер жөніндегі шешімдер, егер осы Заңда және қоғамның жарғысында көбірек сан көзделмесе, қоғамның дауыс беруге қатысқан дауыс беретін акцияларының жалпы санының жай көпшілік даусымен қабылданады.

Директорлар кеңесі мүшесінің өкілеттігін мерзімінен бұрын тоқтату жөніндегі мәселені шешу үшін акционерлердің көбірек дауыс саны жарғымен белгіленбейді.

3. Қоғамның жарғысында акционерлердің жалпы жиналысының айрықша құзыретіне, сондай-ақ қоғам қызметінің басқа да мәселелері жатқызылуы мүмкін.

Акционерлер жалпы жиналысының айрықша құзыретіне жатқызылған мәселелер, осы Заңда көзделгеннен басқа жағдайларда, қоғамның директорлар кеңесінің шешуіне берілмейді.

4. Акционерлердің жалпы жиналысы қоғамның ішкі қызметіне жатқызылған мәселелер бойынша қоғамның директорлар кеңесінің кез келген шешімін жоюға х а қ ы л ы .

5. Егер акционерлердің жалпы жиналысының шешімі артықшылықты акциялар иелерінің құқығына нұқсан келтірген немесе оны шектеген ретте, мұндай шешімдер жиынтығында тиісті санаттардағы артықшылықты акциялардың жалпы санының кемінде үштен екісіне ие акционерлер жақтап дауыс берген жағдайда ғана акционерлердің жалпы жиналысында қабылдануы м ү м к і н .

ЕСКЕРТУ. 48-бап өзгерді - Қазақстан Республикасы 2002.05.21. N 323 Заңымен.

49-бап. Акционерлердің кезектен тыс жалпы жиналысы

1. Акционерлердің кезектен тыс жалпы жиналысы қоғамның директорлар кеңесінің, атқарушы органның (директорлар кеңесі болмаған ретте), тексеру комиссиясының (тексерушінің) бастамасы бойынша не жиынтығында қоғамның дауыс беретін акцияларының кемінде бес және одан да көп процентін иеленген акционерлердің бастамасы бойынша шақырылады.

Акционерлердің бастамасы бойынша шақырылатын, акционерлердің кезектен тыс жалпы жиналысын әзірлеу мен өткізуге байланысты шығындар өздеріне жүктеледі және оларды осы жиналысты шақыру себептері расталғаннан кейін қоғам ө т е й д і .

2. Ерікті түрдегі тарату процесінде тұрған қоғам акционерлерінің кезектен тыс жалпы жиналысын тарату комиссиясы (таратушы) да шақыра алады.

50-бап. Сот шешімі бойынша жиналыс

1. Акционерлердің жылдық, кезектен тыс немесе қайтадан өткізілетін жалпы жиналыстарын шақырудан шақыру туралы талапты атқарушы орган алған сәттен бастап отыз күн ішінде қоғамның директорлар кеңесі немесе атқарушы органы (директорлар кеңесі болмаған ретте) бас тартқан жағдайда, шақыру осы Заңның 49-бабында санамаланған тұлғалардың талап арыздары бойынша сот шешімінің негізінде жүзеге асырылады.

2. Сот жиналыстың белгіленген уақытын және өткізу орнын, оның күн тәртібін белгілеу, жиналыс туралы қоғамның акционерлеріне жіберілетін жазбаша құлақтандырудың мазмұнын белгілеуі және жалпы жиналыстың мақсатына жету үшін қажетті өзге шарттарды айқындауы мүмкін.

51-бап. Акционерлердің жалпы жиналысын өткізу туралы ақпарат

1. Акционерлердің жалпы жиналысына қатысуға құқығы бар акционерлердің тізімі қоғам акцияларын ұстаушылар тізілімі мәліметтерінің негізінде жасалады. Аталған тізімді жасау күнін жиналысты өткізу туралы шешім қабылданған күннен бұрын белгілеуге болмайды.

2. Акционерлерге халықтық қоғамның жалпы жиналысын өткізу туралы хабарлау ол өткізілетін және (немесе) баспасөз басылымында құлақтандыру жарияланған күнге дейін кемінде 45 күн бұрын, ашық қоғам үшін - 30 күн бұрын, жабық қоғам үшін - 15 күн бұрын жазбаша хабарлама жіберу арқылы жүзеге асырылады.

Қоғам әрбір акционерге жалпы жиналыстың өткізілетіні туралы жазбаша құлақтандыруды мынадай жағдайларда:

- 1) егер қоғам акционерлерінің саны жүз және одан азырақ болса;
- 2) егер акционер осындай құлақтандыруды талап етсе және осындай құлақтандыру жіберумен байланысты шығындарды төлеуге келіссе, жіберуге міндетті.

Жалпы жиналыста дауыс берудің нәтижелеріне ықпал ету мақсатында жалпы жиналысты өткізу туралы құлақтандыруды жекелеген акционерлерге талғап жіберуге қоғамның құқығы жоқ.

Қоғамның акционерлерге жалпы жиналыстың өткізілетіні туралы өзге бұқаралық ақпарат құралдары (теледидар, радио) арқылы қосымша хабарлауға құқығы бар.

2-1. Қоғам "алтын акцияның" иесін акционерлердің жалпы жиналысын өткізу туралы жазбаша хабарлама жіберу арқылы хабардар етуге міндетті.

Қоғамнан ақпарат алу бөлігінде "алтын акция" иесінің акционерлермен бірдей құқығы бар.

3. Акционерлердің жалпы жиналысын өткізу туралы хабарламада (хабарлау, құлақтандыру):

1) қоғамның толық атауы және орналасқан жері;
2) жиналыс өткізілетін күн, уақыты және орны;
3) акционерлердің жалпы жиналысына қатысуға құқығы бар акционерлердің тізімін жасау күні;

4) акционерлердің жалпы жиналысының күн тәртібіне енгізілген мәселелердің тізбесі;

5) акционерлердің жалпы жиналысын өткізуге әзірлік кезінде акционерлерге беруге жататын ақпаратпен (материалдармен) акционерлерді таныстыру тәртібі;

5-1) инвестициялық жекешелендіру қорларын қайта ұйымдастыру процесінде құрылған қоғамдар үшін - инвестициялық жекешелендіру қорларының қоғам болып қайта ұйымдастырылғанға дейінгі толық атауы мен лицензияларының нөмірі;

б) бірінші жиналыста кворум болмаған жағдайда, қайтадан жиналыс өткізу күні көрсетілуі тиіс. Акционерлердің қайтадан өткізілетін жиналысты алғашқы жалпы жиналыс белгіленген күнінен кейінгі күннен ерте өткізілмейді.

4. Акционерлерге берілетін материалдарда дауыс беру кезінде шешім қабылдау үшін қажетті барлық ақпарат болуы тиіс. Акционердің тілегі бойынша қоғам оған аталған материалдармен қоғам белгілеген орында танысуға мүмкіндік беруі тиіс.

Акционерлердің жылдық жалпы жиналысын өткізуге әзірлік кезінде акционерлерге берілуге тиісті материалдарда қоғамның бекітуге жататын жылдық қаржылық есебі бойынша негізгі мәліметтер, сондай-ақ қоғамның қаржы-шаруашылық қызметіне жылдық тексерістің нәтижесі бойынша аудитордың есебі, сондай-ақ күн тәртібіндегі мәселелер бойынша өзге де мәліметтер болуы тиіс.

5. Акционерлердің жылдық жалпы жиналысының күн тәртібін директорлар кеңесінің келісімі бойынша, талқылауға енгізілетін мәселелерді нақты тұжырымдай отырып, атқарушы орган қалыптастырады. Акционерлердің жылдық жалпы жиналысының күн тәртібін қоғамның директорлар кеңесі бекітеді.

Қайтадан жиналыс өткізілген (өткізілмеген жиналыстың орнына) жағдайда, күн тәртібі өзгертілмейді.

Акционерлердің жалпы жиналысының күн тәртібі, егер жиналысқа қоғамның дауыс беруші акцияларының жиынтығында тоқсан бес және одан да көп процентіне ие акционерлер (немесе осындай акционерлердің өкілдері) қатысса, олардың көпшілігі күн тәртібіндегі өзгерістер үшін дауыс берсе, өзгертіледі.

Жалпы жиналыстың хабарландыруда және (немесе) құлақтандыруда көрсетілген күн тәртібі жиналыс өткізілетін күнге дейін он күннен кешіктірілмейтін мерзімде жиынтығында дауыс беретін акциялардың бес және

одан да көп процентін иеленген акционерлердің ұсынысы бойынша
т о л ы қ т ы р ы л у ы м ү м к і н .

6. Егер, акциялардың атаулы ұстаушысы қоғам акцияларын ұстаушыларының тізілімінде тіркелген тұлға болып табылған жағдайда, акционерлердің жалпы жиналысын өткізу туралы құлақтандыруды осы атаулы ұстаушысына жіберу бағалы қағаздар рыногы туралы заңдарға немесе тізілім ұстаушы мен осы атаулы ұстаушы арасындағы шартта белгіленген тәртіп пен мерзімде жүзеге асырылады.

ЕСКЕРТУ. 51-бап өзгерді - Қазақстан Республикасы 2002.05.21. N 323
Заңымен.

52-бап. Акционерлердің жалпы жиналысының кворумы

1. Егер акционерлердің жалпы жиналысына қатысу үшін тіркеу аяқталған кезде жиынтығында қоғамның дауыс беретін (акционерлердің жалпы жиналысын өткізу кезінде дауыс беру құқығы бар) акцияларының елу және одан да көп процентін иеленген акционерлер, оның ішінде сырттай дауыс беруші акционерлер (немесе сондай акционерлердің өкілдері) тіркелсе, акционерлердің жалпы жиналысы шешім қабылдауға хақылы.

2. Акционерлерге сырттай дауыс беру үшін бюллетеньдер жіберілген жағдайда аталған бюллетеньдермен берілген және жиналысқа қатысушыларды тіркеу кезінде қоғам алған дауыстар кворумды айқындау және дауыс беру қорытындыларын шығару кезінде есепке алынады.

3. Акционерлердің жалпы жиналысының кворумына қойылатын талаптар мемлекеттік меншікті жекешелендіру процесінде құрылған инвестициялық жекешелендіру қорларына және акционерлердің қайтадан өткізілетін жиналысына қолданылмайды.

53-бап. Қоғам акционерлерінің қайтадан өткізілетін жалпы жиналысы

1. Қоғам акционерлерінің қайтадан өткізілетін жалпы жиналысын шақыру осы Заңда көзделген акционерлердің жалпы жиналысын шақыруға арналған тәртіпте жүзеге асырылады.

2. Акционерлердің өтпей қалған жалпы жиналысының орнына шақырылған қайтадан өтетін жалпы жиналысы, егер оған қатысу үшін тіркеу аяқталған кезде жиынтығында қоғамның дауыс беретін (акционерлердің жалпы жиналысын өткізу кезінде дауыс беру құқығы бар) акцияларының қырық және одан да көп процентін иеленген акционерлер, оның ішінде сырттай дауыс беруші акционерлер (немесе сондай акционерлердің өкілдері) , осы баптың 2-1-тармағында көзделген жағдайды қоспағанда, тіркелген болса, құқылы болады. Акционерлердің саны он мыңнан асатын қоғамның жарғысымен акционерлердің өтпеген жиналысының орнына қайтадан жиналыс өткізуге арналған азырақ (

қоғамның дауыс беретін акцияларының кемінде жиырма бес проценті) кворум көзделуі мүмкін.

2-1. Инвестициялық жекешелендіру қорын (инвестициялық жекешелендіру қорларын) қайта ұйымдастыру жолымен құрылған қоғам акционерлерінің қайтадан өтетін жалпы жиналысының, егер оған қатысу үшін тіркеу аяқталған кезде дауыс беретін акциялардың бес жүзден астам иесі, оның ішінде сырттай дауыс беретін акционерлер (немесе осындай акционерлер өкілдері) тіркелген болса, шешім қабылдауға құқығы бар.

3. Қайтадан өтетін жалпы жиналыстың шешімі бірінші жиналысты шақыру рәсімі сақталған жағдайда заңды болады.

ЕСКЕРТУ. 53-бап өзгерді - Қазақстан Республикасы 2002.05.21. N 323
Заңымен .

54-бап. Есеп комиссиясы

1. Акционерлердің саны жүзден асатын қоғамда сандық және жеке құрамы акционерлердің жалпы жиналысында қоғамның директорлар кеңесінің ұсынуымен бекітілген есеп комиссиясы құрылады.

Есеп комиссиясының өкілеттік мерзімі акционерлердің жалпы жиналысында бекітіледі .

Сырттай дауыс беру кезінде есеп комиссиясының құрамын және өкілеттік мерзімін қоғамның директорлар кеңесі белгілейді.

2. Есеп комиссиясының құрамы үш адамнан кем болмауға тиіс. Есеп комиссиясының құрамына қоғамның (атқарушы органының) директорлар кеңесінің мүшелері және тексеру комиссиясының мүшелері (тексеруші) кіре алмайды .

3. Е с е п к о м и с с и я с ы :

1) акционерлердің жалпы жиналысы кворумының бар, жоғын белгілейді;
2) акционерлердің (олардың өкілдерінің) жалпы жиналыста дауыс беру құқықтарын жүзеге асыруларына байланысты туындаған мәселелерді түсіндіреді;

3) дауыс беруге енгізілген мәселелер бойынша дауыс беру тәртібін түсіндіреді ;

4) дауыс берудің белгіленген тәртібін және акционерлердің дауыс беруге қатысу құқығын қамтамасыз етеді;

5) дауыстарды санайды және дауыс беру қорытындыларын шығарады, дауыс беру қорытындылары бойынша хаттама жасайды, дауыс беру бюллетеньдерін архивке береді .

4. Есеп комиссиясы дауыс беру жөніндегі бюллетеньдердегі акционерлердің дауыс беруі туралы ақпараттың құпиялығы үшін жауаптылықта болады.

55-бап. Акционерлер жалпы жиналысын өткізудің тәртібі

1. Акционерлер жалпы жиналысын өткізудің тәртібі осы Заңға, жарғыға, қоғамның ішкі қызметін реттейтін қоғамның ережелері мен өзге де құжаттарына сәйкес не тікелей жалпы жиналыстың шешімімен айқындалады.

2. Жалпы жиналыс ашылғанға дейін келген акционерлерді (олардың өкілдерін) тіркеу жүргізіледі. Акционерлердің өкілдері дауыс беруге өкілеттігін растайтын және заң талаптарына сәйкес ресімделген сенімхат ұсынуға тиіс.

Тіркеуден өтпеген акционер (акционердің өкілі) кворумды айқындау кезінде есепке алынбайды және дауыс беруге қатысуға хақылы емес.

3. Акционерлердің жалпы жиналысы кворум болған кезде хабарланған у а қ ы т т а а ш ы л а д ы .

Барлық акционерлер немесе олардың өкілдері тіркелген, құлақтандырылған және жиналысты ашу уақытын өзгертуге қарсылық білдірмеген жағдайды қоспағанда, акционерлердің жалпы жиналысы хабарланған уақытынан ерте а ш ы л м а й д ы .

4. Акционерлердің жалпы жиналысы жалпы жиналыстың төрағасын (төралқасын), хатшысын, хаттама жасаудың дұрыстығын куәландыратын акционерлердің өкілдерін, есеп комиссиясы мүшелерін немесе жалпы жиналыста дауыстар санауды жүзеге асыруға уәкілетті адамды сайлауды өткізеді. Акционерлер жиналысы дауыс беру нысанын: ашық немесе жабық (бюллетеньдер бойынша) таңдауды жүргізеді. Егер жарғыда өзгеше көзделмесе, осы тармақта аталған тұлғаларды сайлау туралы мәселе бойынша дауыс беру кезінде әрбір акционер бір дауысқа ие болады, ал шешім қатысып отырғандардың жай көпшілік даусымен қабылданады.

Қоғамның атқарушы органының және оның тексеру комиссиясының мүшелері (тексеруші) жиналысқа қатысып отырған акционерлер атқарушы органның құрамына кіретін не қоғамның тексеру комиссиясының мүшесі (тексерушісі) болып табылатын жағдайларды қоспағанда, акционерлердің жалпы жиналысында төрағалық ете алмайды.

5. Акционерлердің жалпы жиналысының хатшысы қоғам акционерлері жалпы жиналысының хаттамасында көрсетілген мәліметтердің толықтығы және дұрыстығы үшін жауап береді.

56-бап. Өкілдік

1. Акционердің жеке өзі немесе өкілі арқылы жалпы жиналысқа қатысуға және дауыс беруге құқығы бар.

Қоғамның лауазымды адамдарының жалпы жиналыста акционерлердің өкілдері ретінде болуға құқықтары жоқ.

Акционердің өкілі Қазақстан Республикасының заңдарына сәйкес ресімделген сенімхат негізінде іс-әрекет жасайды.

Заңды тұлғалардың өкілдеріне арналған жалпы жиналысқа қатысуға және

дауыс беруге құқығына сенімхатты нотариалдық куәландыру талап етілмейді.

2. Акционердің акцияларын сенімді басқару жөнінде шарт жасалған жағдайда, егер акционер мен сенім білдірілген басқарушы арасындағы шартта өзгеше көрсетілмесе, сенімді басқарушы жалпы жиналыста оның өкілі ретінде болуға х а қ ы л ы .

3. Кепілдегі акциялар бойынша дауыс беру кепілдік шартының талаптарына сәйкес жүзеге асырылады.

57-бап. Акционерлердің сырттай дауыс беру арқылы қабылдайтын шешімдері

1. Қоғамның акционерлері жалпы жиналысының шешімдері сырттай дауыс беру арқылы қабылдануы мүмкін. Сырттай дауыс беру жиналысқа қатысқан акционерлердің қатысып дауыс беруімен (аралас дауыс беру) бірге не жалпы жиналыстың отырысын өткізбестен қолданылуы мүмкін.

2. Сырттай дауыс беру жүргізілген кезде дауыс беру бюллетеньдері осы Заңның 51-бабының 1-тармағына сәйкес жасалған акционерлер тізіліміне енгізілген адамдарға жіберіледі (таратылады). Қоғамның акцияларын ұстаушылар тізілімінде тіркелген тұлға акциялардың атаулы ұстаушысы болып табылған жағдайда, бұл атаулы ұстаушылардың клиенттерінің дауыс беруі үшін бюллетеньдер жіберу бағалы қағаздар рыногы туралы заңдарда немесе тізілім ұстаушылар мен оны атаулы ұстаушылар арасындағы шартта белгіленген тәртіппен мерзімде жүзеге асырылады.

Дауыс беруге арналған бюллетень алушыға акционерлердің жалпы жиналысының отырысы өткізілген күнге дейін не акционерлердің жалпы жиналысының отырысын өткізбей сырттай дауыс беру үшін дауыстарды санау күніне дейін кемінде қырық бес күн бұрын жіберілуі тиіс. Қоғамның жалпы жиналыста дауыс беру нәтижелеріне ықпал ету мақсатымен дауыс беру бюллетеньдерін жекелеген акционерлерге талғап жіберуге құқығы жоқ. Сырттай дауыс беру арқылы қабылдауға жол берілмейтін мәселелерді шешу қоғамының ж а р ғ ы с ы н д а а й қ ы н д а л а д ы .

2-1. Он мыңнан астам акционерлері бар қоғамдар, сондай-ақ инвестициялық жекешелендіру қорлары және инвестициялық жекешелендіру қорлары қайта ұйымдастыру жолымен құрылған қоғамдар осы баптың 2-тармағында көрсетілген мерзімде кемінде қырық мың дана таралыммен шығарылатын республикалық баспа басылымдарында сырттай дауыс беруге арналған бюллетеньдерді таратуға құқылы.

3. Сырттай дауыс беру кезінде мынадай талаптар сақталуы тиіс.

1) күн тәртібіндегі мәселелер бойынша шешімдер қабылдау үшін бірыңғай нысандағы бюллетень пайдаланылуға тиіс;

2) дауыс беруге арналған бюллетеньде:

а) қоғамның атауы;

б) сырттай беруге арналған бюллетеньдерді табыс етудің түпкілікті күні;

в) шақырылған жағдайда, жиналыс өткізілетін күн не жалпы жиналыстың отырысы өткізілмеген жағдайда дауыстарды санау күні;

г) талқылауға енгізілген мәселелердің тұжырымдамасы;

д) "Иә", "Қарсы", "Қалыс қалды" деген сөздермен білдірілген, дауысқа қойылған әрбір мәселе бойынша дауыс берудің нұсқаулары көрсетілуге тиіс.

3) қоғам органдарының мүшелерін сайлау мәселелері бойынша дауыс беру кезінде бюллетеньде үміткерлердің аты-жөні көрсетілуі тиіс.

Дауыс беру бюллетенінде дауыс беру тәртібінің түсіндірмесі болу тиіс.

Дауыс берген кезде дауыс берушілерге дауыс берудің ықтимал бір ғана нұсқасы қалдырылған мәселелер бойынша дауыстар ескеріледі.

Дауыс берушінің немесе дауыс беруші заңды тұлға басшысының немесе оның орнындағы адамның қолы қойылмаған, сондай-ақ заңды тұлға - акционердің мөрі басылмаған бюллетень жарамсыз деп саналады.

4. Сырттай дауыс берудің тәртібі қоғамның жарғысында осы Заңның талаптарына сәйкес көрсетілуі тиіс.

5. Жалпы жиналысқа қатысушыларды тіркеу кезінде не жалпы жиналыс отырысы өткізілмей шешім қабылданғанда дауыстарды санау күніне қарай қоғам алған бюллетеньдер дауыс беруге қатыстырылады.

6. Сырттай дауыс беру нысанында қабылданған шешімдер акционерлердің жалпы жиналысын өткізу үшін қажетті кворум сақталғанда заңды болып табылады.

7. Акционерлерінің саны бес жүз және одан да көп қоғамдағы сырттай дауыс берудің нәтижелері баспасөз басылымында отыз күннен кешіктірілмей жариялануға тиіс.

ЕСКЕРТУ. 57-бап өзгерді - Қазақстан Республикасы 2002.05.21. N 323 Заңымен.

58-бап. Акционерлердің жалпы жиналысында дауыс беру

Акционерлердің жалпы жиналысында дауыс беру, қоғамның директорлар кеңесінің, атқарушы органның (басқарманың) және тексеру комиссиясының мүшелерін сайлау бойынша өткізілетін кумулятивті дауыс беруді қоспағанда, "қоғамның бір акциясы - бір дауыс" принципі бойынша жүзеге асырылады.

Жалпы дауыс беру ашық тәсілмен және бюллетень бойынша жабық дауыс беру арқылы өткізілуі мүмкін.

59-бап. Дауыс беру қорытындылары туралы хаттама

1. Дауыс беру қорытындылары бойынша есеп комиссиясы немесе акционерлердің жалпы жиналысындағы дауыстарды есептеуді жүзеге асыруға уәкілдік берілген адам дауыс берудің қорытындылары туралы хаттама жасайды

ж әне о ған қ ол қ о я д ы .

2. Дауыс беру қорытындылары туралы хаттама жасалғаннан және акционерлердің жалпы жиналысының хаттамасына қол қойылғаннан кейін дауыс беруге арналған бюллетеньдер сүргіленеді және қоғамның архивіне сақтауға т а п с ы р ы л а д ы .

3. Дауыс беру қорытындылары туралы хаттама акционерлердің жалпы жиналысының хаттамасына қоса тіркелуге тиіс.

4. Өтуі барысында дауыс беру жүргізілген акционерлердің жалпы жиналысында дауыс берудің қорытындылары жария етіледі және акционерлердің жиналысы жабылғаннан кейін баспасөз басылымында дауыс беру қорытындылары туралы есепті жариялау арқылы акционерлердің назарына жеткізіледі.

60-бап. Акционерлердің жалпы жиналысының хаттамасы

1. Акционерлердің жалпы жиналысының хаттамасы акционерлердің жалпы жиналысы жабылғаннан кейін үш күннен кешіктірілмей ресімделеді.

2. Акционерлердің жалпы жиналысының хаттамасында:

1) қоғамның толық атауы мен орналасқан жері;

2) акционерлердің жалпы жиналысын өткізу орны мен уақыты;

3) жалпы жиналыстың күн тәртібі;

4) жалпы жиналыстың кворумы;

5) жалпы жиналыста дауыс беру тәртібі;

б) акционерлердің жалпы жиналысының күн тәртібіндегі дауысқа қойылған әрбір мәселе бойынша дауыстың жалпы саны;

7) жалпы жиналыстың төрағасы (төралқасы) және хатшысы;

8) жалпы жиналысқа қатысқан адамдардың сөйлеген сөздері;

9) дауыс беруге қойылған мәселелер, олар бойынша дауыс беру қ о р ы т ы н д ы л а р ы ;

10) акционерлердің жалпы жиналысы қабылдаған шешімдер көрсетілуі керек.

3. Хаттама жалпы жиналыстың төрағасы, хатшысы, жалпы жиналысқа қатысқан және дауыс беретін акциялардың бес және одан да көп процентін иеленген акционерлер, есеп комиссиясының мүшелері немесе жалпы жиналыста дауыстарды есептеуді жүзеге асыруға уәкілетті адам қол қояды. Хаттамаға қол қоюға міндетті адамның қол қоюға мүмкіндігі болмаған жағдайда, хаттамаға өзіне берілген сенімхат негізінде оның өкілі қол қояды.

4. Барлық жалпы жиналыстың хаттамалары қоғамның атқарушы органында сақталатын хаттамалар кітабына тігіледі және кез келген уақытта кез келген акционерге танысу үшін берілуге тиіс. Акционерлердің талап етуі бойынша оларға хаттамалар кітабынан куәландырылған көшірмелер беріледі.

61-бап. Қоғамның директорлар кеңесі

1. Директорлар кеңесі - қоғамның осы Заңмен және қоғамның жарғысымен акционерлік қоғамның жалпы жиналысының айрықша құзыретіне жатқызылған мәселелерді шешуді қоспағанда, қоғамның қызметіне жалпы басшылық жасауды жүзеге асыратын орган. Директорлар кеңесінің шешімі осы тарауда белгіленген тәртіппен қабылданады.

2. Акционерлердің жалпы жиналысының шешімі бойынша қоғамның директорлар кеңесінің мүшелеріне өздерінің міндеттерін атқарған кезеңде сыйақы төленеді және (немесе) олардың қоғамның директорлар кеңесінің мемлекеттік қызметші болып табылмайтын мүшелері міндеттерін атқаруға байланысты шығындары өтеледі. Мұндай сыйақылар мен өтемақылардың мөлшері акционерлердің жалпы жиналысының шешімімен белгіленеді.

ЕСКЕРТУ. 61-бап өзгерді - Қазақстан Республикасы 2002.05.21. N 323 Заңымен.

62-бап. Қоғамның директорлар кеңесінің құзыреті

1. Қоғамның жарғысында белгіленген шектерде қоғамның директорлар кеңесінің айрықша құзыретіне мынадай мәселелер жатады:

1) қоғам қызметінің басым бағыттарын айқындау;
2) осы Заңда көзделген жағдайларды қоспағанда, қоғам акционерлерінің жылдық және кезектен тыс жалпы жиналыстарын шақыру туралы шешім қабылдау;

3) акционерлердің жалпы жиналысының отырысын өткізбестен сырттай дауыс беруді жүргізу кезінде есеп комиссиясын құру;

4) акционерлердің жалпы жиналысының күн тәртібін бекіту;
5) жалпы жиналысқа қатысуға құқығы бар акционерлердің тізімін жасау күнін айқындау және акционерлердің жалпы жиналыстарын әзірлеу мен өткізуге байланысты басқа да мәселелер;

6) осы Заңда көзделген мәселелерді акционерлердің жалпы жиналысының шешуіне ұсыну;

7) қоғамның шығарылған (төленген) капиталының мөлшерін азайту туралы және қоғам шығарған акцияларды, облигациялар мен өзге де бағалы қағаздарды осы Заңда және өзге де заң актілерінде көзделген жағдайларда сатып алу туралы шешім қабылдау;

8) егер қоғамның жарғысында бұл мәселелер акционерлердің жалпы жиналысының құзыретіне жатқызылмаған болса, қоғамның атқарушы органын сайлау және оның өкілеттігін мерзімінен бұрын тоқтату, оған төленетін сыйақылар мен өтемақылардың мөлшерін белгілеу;

9) қоғамның тексеру комиссиясының мүшелеріне (тексерушіге) төленетін сыйақылардың мөлшерін белгілеу және тәуелсіз аудитордың қызметіне ақы

төлеудің мөлшерін белгілеу;

10) тоқсандық және жартыжылдық қорытындылар бойынша дивидендтер төлеудің мөлшері, көздері мен тәртібі туралы шешім қабылдау;

11) таза табысты, резервтік капитал мен қоғамның өзге қорларының қаражатын пайдаланудың тәртібін айқындау;

12) қоғам қызметінің тәртібін айқындайтын қоғамның ішкі құжаттарын бекіту ;

13) қоғамның филиалдары мен өкілдіктерін құру туралы шешім қабылдау;

14) осы Заңда көзделген жағдайларды қоспағанда, қоғамның басқа ұйымдар құруға және олардың қызметтеріне қатысуы туралы шешімдер қабылдау;

15) осы Заңда белгіленген тәртіппен ірі мәмілелер жасау туралы шешімдер қ а б ы л д а у ;

16) тәуелсіз тіркеушімен жасалған шартты бекіту;

17) құпия сипаттағы және қоғамның коммерциялық құпиясын құрайтын а қ п а р а т т ы б е л г і л е й д і ;

18) осы Заңда және қоғамның жарғысында көзделген, оның акционерлерінің жалпы жиналысының айрықша құзыретіне жатпайтын өзге де мәселелер.

2. Қоғамның директорлар кеңесінің айрықша құзыретіне жатқызылған мәселелерді қоғамның атқарушы органының шешуіне беруге болмайды.

3. Директорлар кеңесі өзінің құзыретіне жатқызылған мәселелер бойынша директорлар кеңесінің құрамындағы кемінде үштен бір бөлігін құрайтын мүшелерінің талап етуімен қоғамның қаражаты есебінен тәуелсіз сарапшылар, консультанттар тартуға міндетті.

ЕСКЕРТУ. 62-бап өзгерді - Қазақстан Республикасы 2002.05.21. N 323
Заңымен .

63-бап. Қоғамның директорлар кеңесін сайлау

1. Қоғамның директорлар кеңесінің мүшелері акционерлердің жылдық жиналысында сайланады осы Заңда және қоғамның жарғысында көзделген тәртіппен қоғамның директорлар кеңесінің бұрынғы сайланған мүшелерінің өкілеттігі мерзімінен бұрын тоқтатылған жағдайда жалпы жиналыста қайта с а й л а н а д ы .

Қоғамның акционері болып табылмайтын және акционердің - заңды тұлғаның мүдделерін білдіруші ретінде директорлар кеңесіне сайлануға ұсынылмаған (ұсыным жасалмаған) жеке тұлға (бұдан әрі - сыртқы тұлға) директорлар кеңесінің мүшесі болып сайлануы мүмкін. Сыртқы тұлғалардың саны директорлар кеңесі құрамының отыз процентінен аспауға тиіс.

Заңды тұлға қоғамның директорлар кеңесінің мүшесі бола алмайды.

2. Ашық қоғам басқармасының төрағасынан басқа оның мүшелері қоғамның директорлар кеңесінің мүшелері бола алмайды. Атқарушы органның

функциясын жалғыз өзі жүзеге асыратын тұлға және басқарманың төрағасы бір мезгілде ашық қоғамның директорлар кеңесінің төрағасы бола алмайды.

3. Қоғамның директорлар кеңесінің құрамына сайланған тұлғаларға қойылатын талаптар қоғамның жарғысымен немесе акционерлердің жалпы жиналысында бекітілген ішкі құжатпен белгіленуі мүмкін.

Халықтық қоғамның директорлар кеңесі мүшелерінің кемінде елу проценті тәуелсіз директорлар болуы тиіс.

4. Қоғамның директорлар кеңесінің сандық құрамы қоғамның жарғысымен немесе акционерлердің жалпы жиналысының шешімімен осы Заңның талаптарына сәйкес айқындалады.

Ашық қоғам үшін қоғамның директорлар кеңесінің сандық құрамы үш мүшеден кем, ал халықтық қоғам үшін - бес мүшеден кем болмайды.

5. Қоғамның барлық дауыс беретін акцияларын иеленетін жалғыз акционері бар қоғамдарды қоспағанда, ашық қоғам директорлар кеңесінің мүшелерін сайлау кумулятивті дауыс берумен жүзеге асырылады. Акционер өзіне тиесілі акциялар бойынша дауыстарын қоғамның директорлар кеңесіне мүшелікке бір кандидат үшін толық беруге немесе бірнеше кандидат арасында бөлуге хақылы. Неғұрлым көп дауыс санын алған кандидаттар қоғамның директорлар кеңесіне сайланған болып саналады.

Жабық қоғамның жарғысында сонымен қатар қоғамның директорлар кеңесінің мүшелерін сайлау кезінде кумулятивті дауыс беруді жүргізу мүмкіндігі көзделуі мүмкін.

ЕСКЕРТУ. 63-бап өзгерді - Қазақстан Республикасының 1999.12.15. N 497 Заңымен.

ЕСКЕРТУ. 63-бап өзгерді - Қазақстан Республикасы 2002.05.21. N 323 Заңымен.

64-бап. Қоғамның директорлар кеңесі мүшесінің өкілеттік мерзімі

1. Егер қолданылып жүрген заңға қайшы болмаса және қоғамның жарғысында өзгеше көзделмесе, директорлар кеңесінің құрамына сайланған тұлғалар шектеусіз сан мәрте қайтадан сайлана алады.

2. Акционерлер жалпы жиналысының шешімі бойынша қоғамның директорлар кеңесінің кез келген мүшесінің (барлық мүшесінің) өкілеттігі мерзімінен бұрын кез келген негізде тоқтатылуы мүмкін. Қоғамның директорлар кеңесінің мүшелері кумулятивті дауыс берумен сайланған жағдайда акционерлердің жалпы жиналысының өкілеттікті мерзімінен бұрын тоқтату туралы шешімі тек қоғамның директорлар кеңесінің барлық мүшелеріне қатысты ғана қабылдануы мүмкін.

3. Қоғамның директорлар кеңесінің бұрынғы мүшесінің өкілеттік мерзімі

қоғамның директорлар кеңесінің жаңа мүшесін сайлау жүргізілетін акционерлердің жалпы жиналысын өткізу кезінде аяқталады.

Қоғамның директорлар кеңесі мүшесінің өкілеттік мерзімі аяқталғанына карамастан ол қоғамның директорлар кеңесінің жаңа мүшесі қызметке нақты кіріскенге дейін немесе қоғамның директорлар кеңесі мүшелерінің санын қысқарту жүргізілген кезге дейін өзінің міндеттерін атқаруды жалғастыра береді.

4. Қоғамның директорлар кеңесінің бос тұрған қызметті атқару үшін сайланған мүшесі өзінің алдында болған мүшенің қалған өкілеттік мерзіміне сайланады.

65-бап. Қоғамның директорлар кеңесінің мүшесі өкілеттігінің тоқтатылуы

1. Қоғамның директорлар кеңесі мүшесінің өкілеттігі оның бастамасы бойынша кез келген уақытта қоғамның директорлар кеңесінің жазбаша хабарламасы арқылы жүзеге асырылады.

2. Егер хабарламада алты айдан аспайтын неғұрлым кеш мерзім көрсетілмесе, қоғамның директорлар кеңесі мүшесінің өкілеттігі қоғамның директорлар кеңесі жазбаша хабарлама алынған кезден бастап тоқтатылады және бұл мерзім қоғамның директорлар кеңесінің қалған мүшелерінің көпшілік даусымен қабылданады.

66-бап. Қоғамның директорлар кеңесінің төрағасы

1. Қоғамның директорлар кеңесінің төрағасы, егер қоғамның жарғысында өзгеше көзделмесе, оның мүшелерінің арасынан қоғамның директорлар кеңесінің мүшелері жалпы санының көпшілік даусымен сайланады.

Қоғамның директорлар кеңесі өзінің төрағасын, егер қоғамның жарғысында өзгеше көзделмесе, қоғамның директорлар кеңесі мүшелерінің жалпы санының көпшілік даусымен кез келген уақытта қайтадан сайлауға хақылы.

2. Төраға қоғамның директорлар кеңесінің жұмысын ұйымдастырады, қоғамның директорлар кеңесінің отырыстарын шақырады және оларда төрағалық етеді, осы Заңмен және қоғамның жарғысында белгіленген тәртіппен отырыстарда хаттама жүргізілуін ұйымдастырады.

3. Қоғамның директорлар кеңесінің төрағасы болмаған жағдайда, оның функциясын қоғамның директорлар кеңесінің шешімі бойынша директорлар кеңесі мүшелерінің бірі жүзеге асырады.

67-бап. Қоғамның директорлар кеңесінің отырысы туралы хабарлама жасау

1. Қоғамның директорлар кеңесінің мүшелеріне және алтын акцияның иесіне, егер жарғыда өзгеше көзделмесе, қоғамның директорлар кеңесінің алдағы болатын отырысының күні, уақыты, орны және отырыстың күн тәртібі көрсетіліп

ж а з б а ш а х а б а р л а м а ж і б е р і л е д і .

2. Қоғамның директорлар кеңесінің отырысын өткізу туралы хабарлама, егер жарғыда өзге мерзім көзделмесе, отырыс шақырылғанға дейін үш күннен к е ш і к т і р і л м е й ж і б е р і л е д і .

3. Директорлар кеңесінің мүшесі кеңестің отырысына қатысуға келе алмауы туралы қоғамның директорлар кеңесінің төрағасын немесе оны ауыстыратын директорлар кеңесінің мүшесін алдын ал хабардар етуге міндетті.

ЕСКЕРТУ. 67-бап өзгерді - Қазақстан Республикасы 2002.05.21. N 323
Заңымен.

68-бап. Қоғамның директорлар кеңесінің отырысы

1. Қоғамның директорлар кеңесінің отырысын директорлар кеңесінің төрағасы өзінің бастамасы бойынша, директорлар кеңесі кез келген мүшесінің, қоғамның тексеру комиссиясының (тексерушінің) немесе қоғамның тәуелсіз аудиторының, қоғамның атқарушы органының, сондай-ақ қоғамның дауыс беретін акцияларының жиынтығында он проценттен көбін жеке өзі немесе басқа акционерлермен бірге иеленген қоғам акционерлерінің талап етуі бойынша шақырады. Қоғамның директорлар кеңесінің отырысын шақыру мен өткізу тәртібі қоғамның жарғысымен немесе қоғамның ішкі құжатымен айқындалады. Қоғамның директорлар кеңесінің шешімін сырттай дауыс беру арқылы қабылдау мүмкіндігі қоғамның жарғысында көзделуі мүмкін.

2. Қоғамның директорлар кеңесінің отырысын өткізуге арналған кворум қоғамның жарғысымен айқындалады, бірақ қоғамның директорлар кеңесіне сайланған мүшелер санының жартысынан кем болмауға тиіс. Қоғамның директорлар кеңесі мүшелерінің саны қоғамның жарғысында көзделген санның жартысынан аз болған жағдайда, қоғамның директорлар кеңесінің жаңа құрамын сайлау үшін қоғам акционерлердің кезектен тыс жалпы жиналысын шақыруға міндетті. Қоғамның директорлар кеңесінің қалған мүшелері тек қана қоғам акционерлерінің осындай кезектен тыс жалпы жиналысын шақыру туралы ш е ш і м қ а б ы л д а у ғ а х а қ ы л ы .

Аталған кезеңде қоғамның директорлар кеңесі қоғам қызметінің қоғамның жарғысымен айқындалған төтенше мәселелер бойынша шешімдерді, оларды кейіннен қоғам акционерлерінің жалпы жиналысында бекіте отырып қабылдауға хақылы. Қоғам акционерлерінің жалпы жиналысы директорлар кеңесінің төтенше мәселелер жөніндегі шешімімен келіспеген жағдайда, директорлар кеңесінің мұндай шешімінің күші жоқ болып саналады.

3. Қоғамның директорлар кеңесінің отырысында шешімдер, егер осы Заңда және жарғыда өзгеше көзделмесе, директорлар кеңесінің қатысып отырған мүшелерінің көпшілік даусымен қабылданады. Қоғамның директорлар кеңесінің отырысындағы мәселелерді шешуде қоғамның директорлар кеңесінің әрбір

мүшесінің бір дауысы болады.

Қоғамның директорлар кеңесінің бір мүшесінің дауысын қоғамның директорлар кеңесінің екінші мүшесіне беруге тыйым салынады.

Шешім қабылдаған ретте қоғамның директорлар кеңесі мүшелерінің дауыстары тең болатын жағдайда, қоғамның жарғысымен қоғамның директорлар кеңесі төрағасының шешуші дауыс құқығы көзделуі мүмкін.

4. Қоғамның директорлар кеңесінің отырысында хаттама жүргізіледі. Қоғамның директорлар кеңесі отырысының хаттамасы оны өткізгеннен кейін үш күннен кешіктірілмей жасалады және оған төрағалық етуші мен хатшы қол қояды.

Отырыстың хаттамасында:

- 1) акционерлік қоғамның толық атауы және орналасқан жері;
- 2) отырысты өткізген орын және уақыт;
- 3) отырысқа қатысқан адамдар;
- 4) отырыстың күн тәртібі;
- 5) дауысқа салынған мәселелер және олар бойынша дауыс беру қорытындылары;
- б) қабылданған шешімдер көрсетіледі.

69-бап. Қоғамның атқарушы органы

1. Ағымдағы қызметке басшылық жасауды қоғамның атқарушы органы жүзеге асырады. Қоғамның атқарушы органы алқалы немесе жеке-дара болуы мүмкін.

2. Қоғамның атқарушы органы қоғам акционерлері жалпы жиналысының және директорлар кеңесінің шешімдерін орындайды.

Қоғамның атқарушы органы қоғамның атынан іс-қимыл жасайды, оның ішінде оның мүддесін білдіреді, қоғамның атынан осы Заңда және қоғамның жарғысында белгіленген тәртіппен мәмілелер жасайды, штатты бекітеді, шешімдер (қаулылар) (атқарушы органның қызметін жеке өзі атқаратын адам - бұйрықтар және өкімдер) шығарады және қоғамның барлық қызметкерлерінің орындалуы үшін міндетті нұсқаулар береді.

3. Қоғамның атқарушы органын құру, оның өкілеттігі, сондай-ақ оның өкілеттігін мерзімінен бұрын тоқтату осы Заңға және қоғамның жарғысына сәйкес қоғамның директорлар кеңесінің шешімі бойынша жүзеге асырылады.

Қоғамның акционерлері және оның акционерлері болып табылмайтын қызметкерлері алқалы атқарушы органның мүшелері бола алады.

Атқарушы орган мүшелерінің құқықтары мен міндеттері осы Заңмен, өзге де заң актілерімен, қоғамның жарғысымен, сондай-ақ олардың әрқайсысының қоғаммен жасасқан еңбек келісім-шартымен айқындалады. Келісім-шартқа қоғамның атынан қоғамның директорлар кеңесінің төрағасы немесе қоғамның

директорлар кеңесі уәкілеттік берген тұлға қол қояды.

Қоғам мен қоғамның атқарушы органының мүшелері арасындағы қатынастарға еңбек туралы заңдардың осы Заңның ережелерімен реттелмеген б ө л і г і қ о л д а н ы л а д ы .

4. Қоғамның атқарушы органының мүшесіне басқа ұйымдарда немесе басқа ұйымдардың органдарында лауазым атқаруға тек қоғамның директорлар кеңесінің келісімімен рұқсат етіледі.

70-бап. Қоғамның атқарушы органының құзыреті

1. Қоғамның атқарушы органының құзыретіне осы Заңмен, қоғамның жарғысымен немесе ережелерімен және жалпы жиналысы мен қоғамның директорлар кеңесі қабылдаған өзге де құжаттармен айқындалған жалпы жиналыстың немесе директорлар кеңесінің айрықша құзыретіне жатпайтын, қоғам қызметін қамтамасыз етудің барлық мәселелері жатады.

2. Қоғам, оның атқарушы органы қоғам белгіленген шектеулерді бұзып жасаған мәміленің жарамдылығын, егер мәмілені жасау кезінде тараптардың мұндай шектеулер туралы білгендігін дәлелдесе, даулауға хақылы.

71-бап. Алқалы атқарушы орган

1. Алқалы атқарушы органды директорлар кеңесі қоғамның жарғысында айқындалған санда және мерзімге сайлайды.

2. Қоғамның алқалы атқарушы органының төрағасын, егер қоғамның жарғысында оны алқалы атқарушы органның өзі сайлайтындығы көзделмесе, қоғамның директорлар кеңесі сайлайды.

3. Қоғамның алқалы органы қызметінің және оның шешімдер қабылдау тәртібі қоғамның жарғысымен айқындалады.

72-бап. Қоғамның атқарушы органы басшысының өкілеттігі

1. Қоғамның атқарушы органының басшысы (басқарма төрағасы немесе атқарушы органның қызметін жеке-дара атқарушы тұлға):

1) үшінші тұлғалармен қатынаста қоғамның атынан сенімхатсыз іс-қимыл ж а с а й д ы ;

2) қоғамның мүддесін білдіру құқығына сенімхат береді;

3) қоғамның қызметкерлерін қызметке тағайындау туралы, оларды қызметтен ауыстыру және босату туралы бұйрықтар шығарады, еңбекке ақы төлеу жүйесін айқындайды, лауазымдық жалақылардың және жеке үстемеақылардың мөлшерін белгілейді, сыйлықақылар беру мәселелерін шешеді, көтермелеу шараларын қабылдайды және тәртіптік жазалар қолданады;

4) осы Заңға және қоғамның Жарғысына сәйкес осы органдардың айрықша құзыретіне жатқызылған мәселелерді қоспағанда, акционерлердің жалпы жиналысы немесе директорлар кеңесі берген өзге де өкілеттіктерді жүзеге а с ы р а д ы .

2. Қоғамның атқарушы органының басшысы қызметінің және оның шешімдер қабылдауының тәртібі қоғамның жарғысымен айқындалады.

Атқарушы органның басшысы немесе оның атынан және оның тапсыруымен әрекет ететін адам, қоғамның атқарушы органы қабылдайтын шешімдерді өздеріне қатысты veto құқығы белгіленген мәселелер бойынша "алтын акция" иесімен келісуге міндетті.

ЕСКЕРТУ. 72-бап өзгерді - Қазақстан Республикасы 2002.05.21. N 323 Заңымен.

73-бап. Қоғамның тексеру комиссиясы (тексеруші)

1. Қоғамның атқарушы органының қаржы-шаруашылық қызметін бақылауды жүзеге асыру үшін тексеру комиссиясы құрылуы немесе акционерлердің немесе кәсіпқой аудиторлардың (бухгалтерлердің) қатарынан қоғамның тексерушісі сайлануы мүмкін.

Тексеру комиссиясы кемінде үш мүше құрамында құрылады.

2. Қоғамның тексеру комиссиясы немесе тексеруші жалпы жиналыста қоғамның жарғысымен айқындалған, бірақ бес жылдан аспайтын мерзімге сайланады. Тексеру комиссиясы мүшесінің немесе тексерушінің өкілеттік мерзімін мерзімінен бұрын қоғам акционерлерінің жалпы жиналысы тоқтатуы мүмкін.

3. Қоғамның директорлар кеңесінің және атқарушы органының мүшелері, сондай-ақ атқарушы органның қызметтерін жеке-дара жүзеге асырушы адам тексеру комиссиясының мүшесі (тексеруші) болып сайлана алмайды.

4. Тексеру комиссиясы (тексеруші) кез келген уақытта өзінің бастамасы бойынша, акционерлер жалпы жиналысының, қоғамның директорлар кеңесінің тапсырмасы бойынша немесе жиынтығында акциялардың он процентінен астамын иеленетін акционерлерінің талап етуі бойынша қоғамның атқарушы органының қызметіне тексеріс жүргізуге хақылы. Тексеру комиссиясы (тексеруші) осы мақсат үшін қоғамның барлық құжаттарына сөзсіз қол жеткізу құқығына ие. Тексеру комиссиясының (тексерушінің) талап етуі бойынша атқарушы органның мүшелері қажетті түсініктерді ауызша немесе жазбаша нысанда беруге міндетті.

5. Тексеру комиссиясы (тексеруші) қоғамның жылдық қаржы есептілігіне акционерлердің жалпы жиналысында бекітілгенге дейін міндетті түрде тексеріс жүргізеді. Акционерлердің жалпы жиналысы жылдық есептілікті тексеру комиссиясының (тексерушінің) қорытындысынсыз, ал халықтық қоғам үшін аудитордың да қорытындысынсыз бекітуге хақылы емес.

6. Қоғамның тексеру комиссиясының (тексерушінің) жұмыс тәртібі оның жарғысымен айқындалады.

74-бап. Қоғамның лауазымды адамдары қызметінің жалпы принциптері

1. Қоғамның лауазымды адамдары (қоғамның директорлар кеңесінің мүшелері, қоғам басқармасының мүшелері немесе қоғамның атқарушы органының функциясын жеке-дара атқарушы адам, қоғамның тексеру комиссиясының мүшелері немесе тексерушісі) өздеріне жүктелген міндеттерді адал және қоғамның мүддесін неғұрлым жоғары дәрежеде көрсетеді деп негізді санайтын тәсілдерді қолдана орындайды.

2. Қоғамның лауазымды адамдары жарғыға немесе акционерлердің жалпы жиналысының не қоғамның директорлар кеңесінің шешімдеріне сәйкессіз қоғамның мүлкі мен мүліктік құқықтарын пайдалануға немесе пайдалануға жол беруге тиіс емес.

75-бап. Қоғамның лауазымды адамдарының жауапкершілігі

1. Қоғамның лауазымды адамдары қоғамға өздерінің кінәлі іс-әрекеттерімен келтірген зияндары үшін қоғамның алдында Қазақстан Республикасының заңдарына сәйкес жауапты болады.

Бұл ретте қоғамға зиян келтіруге әкеп соққан шешімге қарсы дауыс берген немесе дауыс беруге қатыспаған лауазымды адамдар жауапты болмайды.

2. Осы баптың ережелеріне сәйкес жауапкершілік бірнеше лауазымды адамға жүктелген жағдайда олардың қоғамның алдындағы жауапкершіліктері бірлескен болады.

3. Қоғам акционерлердің жалпы жиналысының шешімі негізінде лауазымды адамның қоғам шеккен залалды өтеуі туралы талаппен сотқа жүгінуге хақылы.

4. Қоғам мәжбүрлеп таратылған жағдайда оның лауазымды адамдары оның мүлкі жеткіліксіз болған ретте қоғамның міндеттемелері бойынша несие берушілердің алдында күшіне енгізілген сот шешіміне сәйкес осы баптың 1-тармағының ережелері ескеріле отырып, мүліктік жауапты болады.

7-тарау. ІРІ МӘМІЛЕЛЕРДІ ЖАСАСУ

76-бап. Ірі мәмілелер

1. О с ы З а ң ү ш і н :

1) қоғамның жарғысына сәйкес әдеттегі шаруашылық қызметін жүзеге асыру процесінде жүргізілетін мәмілелерді қоспағанда, сатып алуға немесе иеліктен айыруға не жалпы баланстық құны халықтық болып табылмайтын қоғам активтерінің жиырма бес немесе одан да көп процентін немесе халықтық қоғамдар үшін - активтердің он және одан да көп процентін құрайтын қоғамның мүлкін тікелей немесе жанама түрде қоғамның сатып алу немесе иеліктен айыру мүмкіндігіне байланысты мәміле және (немесе) бірнеше бір-біріне өзара байланысты мәмілелер;

2) халықтық болып табылмайтын қоғамның бағалы қағаздарын төлеуге

немесе сатуға, оның ішінде шығаруға және орналастыруға байланысты жалпы санының жиырма бес және одан да көп процентін және халықтық қоғам үшін - он және одан да көп процентін құрайтын мәміле және (немесе) бірнеше өзара байланысты мәмілелер ірі мәміле болып танылады.

2. Қоғамның жарғысында немесе акционерлердің жалпы жиналысының шешімінде ірі мәмілелерге осы баптың 1-тармағында аталғандарға қоса өзге де мәмілелер, сондай-ақ қоғамның қаржылық тұрақтылығын сақтау үшін маңызы бар басқа мәмілелердің белгілі бір санаттары жатқызылуы мүмкін, оларды жасасу ірі мәмілелер үшін көзделген тәртіппен жүзеге асырылады.

77-бап. Ірі мәміленің мәні болып табылатын мүліктің құны

1. Қоғамның ірі мәміленің мәні болып табылатын иеліктен айырылған мүлкінің құны ірі мәміле жасалған жердегі және күнгі сол тәріздес мүліктің нарықтық бағасынан төмен бола алмайды.

Ірі мәмілелерді басқа бағалар бойынша жасау экономикалық тұрғыда орынды болған жағдайда қоғамның лауазымды тұлғалары адал және қоғамның мүддесі үшін іс-қимыл жасай отырып, нарықтық бағадан өзгеше бағалар бойынша мәміле жасауға хақылы. Бұл жағдайда мәміле туралы есеп акционерлердің кезекті жалпы жиналысында қаралуы тиіс.

2. Ірі мәміленің мәні болып табылатын сатып алынған немесе иеліктен айырылған мүліктің нарықтық құнын айқындауды аудитор немесе тәуелсіз бағалаушы жүзеге асырады.

78-бап. Ірі мәміленің мәні болып табылатын мүліктің нарықтық құнын айқындау

1. Мүліктің құны туралы және оның бағасына әсер етуі мүмкін оның басқа сипаттамалары туралы толық ақпарат қолында бар сатушы оны сатуға келіскен, ал мүліктің құны туралы және оның бағасына әсер етуі мүмкін оның басқа сипаттамалары туралы толық ақпарат қолында бар сатып алушы осы мүлікті сатып алуға келіскен баға мүліктің нарықтық құны болып табылады.

2. Рыноктық бағасын айқындау - талап етілетін мүлік ұйымдастырылған рынокта айналыста жүрген акциялар немесе өзге де бағалы қағаздар болып табылған жағдайда аталған мүліктің бағасын айқындаған кезде бағалы қағаздардың ұйымдастырылған рыногындағы сатып алу бағасы немесе сұраныс пен ұсыныс бағалары назарға алынуға тиіс.

3. Егер рыноктық бағасын айқындау талап етілетін мүлік қоғамның акциялары болып табылған жағдайда, аталған мүліктің нарықтық құнын айқындау үшін, сондай-ақ қоғамның өз капиталының мөлшері, қоғам акцияларының жиынтық құны туралы толық ақпарат қолында бар сатып алушы қоғамның акциялары үшін төлеуге келіскен баға және мүліктің рыноктық

бағасын айқындаушы тұлға маңызды деп санаған басқа да факторлар назарға алынуға тиіс.

79-бап. Ірі мәміле жасасу туралы шешімдер қабылдау тәртібі

1. Қоғамның ірі мәміле жасасу туралы шешімі акционерлердің жалпы жиналысында бекітіледі.

Қоғамның директорлар кеңесі акционерлердің жалпы жиналысына дәйекті шешім қабылдау үшін қажет, ірі мәмілеге қатысты барлық ақпаратты ұсынуға міндетті.

2. Қоғам қоғамның барлық кредиторларын қоғамның кез келген ірі мәміле жасасуы туралы оны жасаудан кемінде он күн бұрын қоғамның жарғысымен айқындалған баспасөз басылымында тиісті мәліметтер жариялау жолымен жазбаша хабардар етуге тиіс.

3. Ірі мәміле жасасу туралы шешімге дауыс беруге қатыспаған немесе қарсы дауыс берген акционер қоғамның өзіне тиесілі акцияларды осы Заңда белгіленген тәртіппен сатып алуын талап етуге хақылы.

80-бап. Ірі мәміле жасасуға қойылатын талаптарды сақтамаудың салдары

1. Ірі мәміле жасасуда осы Заңда көзделген талаптарды сақтамау қоғаммен мәміле жасасушы тұлға адал іс-әрекет жасаған және аталған талаптарды қоғамның сақтамағандығы туралы білмеген немесе мүлде білуге тиіс болмаған жағдайларды қоспағанда, осы мәміленің жарамсыздығына әкеп соғады.

2. Ірі мәмілені жарамсыз деп тану туралы талапты кез келген мүдделі тұлғалар қоя алады.

3. Осы Заңда және қоғамның жарғысында белгіленген талаптарды бұза отырып қасақана ірі мәміле жасасқан адамның мәмілені жарамсыз деп тануды талап етуге, егер мұндай талап бас пайдасын көздеу себебімен немесе жауапкершіліктен жалтару ниетінен туындаса, хақы жоқ.

8-тарау. ҚОҒАМНЫҢ МӘМІЛЕЛЕР ЖАСАСУЫНА МҮДДЕЛІЛІК

81-бап. Қоғамның мәмілелер жасауына мүдделілік

1. Қоғамның лауазымды тұлғалары, өзінің аффилиирленген тұлғасымен (тұлғаларымен) бірлесіп халықтық болып табылмайтын қоғамның дауыс беретін акцияларының он және одан да көп процентін және халықтық қоғамның дауыс беретін акцияларының бес және одан да көп процентін иеленген акционер, егер аталған тұлға, оның жұбайы, ата-анасы, балалары, аға-інілері, апа-қарындастары және оның аффилиирленген тұлғалары:

1) осындай мәміленің бір тарапы болып табылса немесе онда өкіл не делдал ретінде қатысса;

2) мәміленің бір тарапы болып табылатын заңды тұлғаның аффилиирленген

тұлға болып табылса немесе оған өкіл не делдал ретінде қатысатын болса, соның ішінде осындай заңды тұлғаның дауыс беретін акцияларының (үлестерінің, пайларының) он және одан да көп процентін немесе егер ол халықтық қоғам болып табылса, осындай заңды тұлғаның дауыс беретін акцияларының бес және одан да көп процентін иеленсе, қоғамның мәмілелер жасасуына мүдделі тұлғалар б о л ы п т а н ы л а д ы .

2. Осы тараудың ережелері:

1) акционерлердің осы Заңға сәйкес акциялар сатып алудың артықшылықты құқықтарын жүзеге асыруға;

2) барлық акционерлер - акциялар иелерінің өздеріне тиесілі акцияларды өздеріне тиесілі акциялардың санына бара-бар түрде сатуға тең құқықтары болған жағдайда қоғамның акцияларды сатып алуына;

3) осы Заңға сәйкес жүзеге асырылатын қоғамды қайта ұйымдастыруға қолданылмайды.

82-бап. Қоғамның мәміле жасасуына мүдделілік туралы ақпарат

Осы Заңның 81-бабының 1-тармағында аталған тұлғалар қоғамның директорлар кеңесінің, қоғамның тексеру комиссиясының (тексерушінің) және қоғамның аудиторының назарына:

1) олардың мәміленің талаптары болып табылатындығы немесе оған өкіл не делдал ретінде қатысатындығы туралы;

2) өздері аффилиирленген заңды тұлғалар туралы, соның ішінде дербес немесе өздерінің аффилиирленген тұлғаларымен бірлесіп немесе дауыс беретін акциялардың (үлестердің, пайларының) он және одан да көп процентін иеленген немесе халықтық қоғамның дауыс беретін акцияларының бес және одан да көп процентін иеленген заңды тұлғалар туралы және органдарында өздері қызмет атқаратын заңды тұлғалар туралы;

3) өздері мүдделі тұлғалар болып танылуы мүмкін өздеріне белгілі жасалған немесе ықтимал мәмілелер туралы ақпаратты жеткізуге міндетті.

83-бап. Жасалуына мүдделілік бар мәмілені жасау тәртібіне қойылатын талаптар

1. Жасалуына мүдделілік бар мәмілені ашық қоғамның жасасуы туралы шешімді қоғамның директорлар кеңесі оны жасасуға мүдделі емес мүшелерінің көпшілік дауысымен қабылдайды.

2. Жасалуына мүдделілік бар мәмілені халықтық қоғамның жасасуы туралы шешімді қоғамның директорлар кеңесі оны жасасуға мүдделі емес тәуелсіз директорлардың көпшілік дауысымен қабылдайды.

3. Жасалуына мүдделілік бар мәміле жасасу туралы шешім қабылдау үшін директорлар кеңесі қоғамның иеліктен айырылған немесе көрсетілген қызмет

үшін алатын түсімі осы мүліктің немесе қызметтің осы Заңда белгіленген нарықтық бағасынан төмен еместігін, ал қоғамның сатып алған мүлкі мен алған қызметі үшін жасайтын шығындары осы мүлік немесе қызметтің нарықтық бағасынан жоғары еместігін белгілеуі тиіс.

4. Жасалуына мүдделілік бар мәмілені қоғамның жасасуы туралы шешім акционерлердің жалпы жиналысында:

1) егер мәміленің сомасы акционерлердің жалпы жиналысының шешімін қабылдау күніне қоғам активтерінің баланстық құнының бес процентінен асқан;

2) егер мәміле және (немесе) бір-бірімен өзара байланысты бірнеше мәмілелер қоғамның дауыс беретін акцияларын немесе дауыс беретін акцияларға айырбасталатын өзге де бағалы қағаздарды қоғамның бұрын шығарылған дауыс беретін акцияларының бес процентінен асатын мөлшерде орналастыру болып табылған жағдайларда қабылданады.

5. Жасалуына мүдделілік бар мәміле жасасу, егер:

1) мәміле мүдделі тұлғаның қоғамға беретін заемы болып табылған;

2) мәміле мүдделі тұлға Заңның 81-бабына екінші тарап деп танылған сәтке дейін орын алған әдеттегі шаруашылық қызметті жүзеге асыру процесінде қоғамның және басқа тараптың арасында жасалған жағдайларда, осы баптың 4-тармағында көзделген акционерлердің жалпы жиналысының шешімін талап е т п е й д і .

6. Жасалуына болашақта мүдделілік туындауы мүмкін мәмілелерді акционерлердің жалпы жиналысының өткізілу күніне айқындау мүмкін болмаған жағдайда, жасалуы мүмкін мәмілелердің сипаттарын және олардың шекті сомаларын көрсетіп, қоғамның және өзге тұлғаның арасындағы шарттық қатынастарды белгілеу туралы акционерлердің жалпы жиналысының шешімін қабылдаған жағдайда осы баптың 4-тармағының талаптары орындалды деп с а н а л а д ы .

7. Егер қоғамның директорлар кеңесінің барлық мүшелері мүдделі тұлғалар болып танылған жағдайда, мәміле акционерлердің жалпы жиналысының мәмілеге мүдделі емес акционерлердің көпшілік даусымен қабылданған шешімі б о й ы н ш а ж а с а л у ы м ү м к і н .

8. Егер жасалуына мүдделілік бар мәміле бір мезгілде ірі мәміле болып табылса, оны жасасу тәртібіне осы Заңның 7-тарауының ережелері қолданылады.

84-бап. Жасалуына мүдделілік бар мәмілені жасасу тәртібіне қойылатын талаптарды сақтамаудың салдары

Жасалуына мүдделілік бар, мәмілені жасасу тәртібіне қойылатын осы Заңда көзделген талаптарды бұза отырып жасалған мәміле сот тәртібімен жарамсыз деп т а н ы л а д ы .

Осы Заңда көзделген жасасу тәртібінің талаптары бұзыла отырып қоғамның мәміле жасасуына мүдделі тұлға қоғамның алдында қоғамға өзі келтірген зиянның мөлшерінде жауап береді. Мәмілені бірнеше адам жасасқан жағдайда олар қоғам алдында бірлесіп жауап береді.

9-тарау. ҚОҒАМДАҒЫ ЕСЕПКЕ АЛУ ЖӘНЕ ЕСЕП БЕРУ, АҚПАРАТ БЕРУ

85-бап. Қоғамның қаржылық есеп беруі

Қоғамның қаржы-шаруашылық қызметін бухгалтерлік есепке алуды жүргізу және қаржылық есеп беруінің тәртібі Қазақстан Республикасының заңдарында белгіленеді.

86-бап. Қоғамның жылдық қаржылық есеп беруі

1. Қоғамның атқарушы органы акционерлердің жалпы жиналысына талқылау және бекіту үшін жыл сайын қоғамның жылдық қаржылық есебін табыс етеді.

2. Жылдық қаржылық есептілік бухгалтерлік балансты, қаржы-шаруашылық қызметтің нәтижелері туралы есепті, сондай-ақ қоғам ақшасының қозғалысы туралы е с е п т і қ а м т и д ы .

Қоғамның жылдық қаржылық есебіндегі мәліметтердің дұрыстығын қоғамның тексеру комиссиясы (тексеруші), ал халықтық қоғамның қаржылық есебінің дұрыстығын аудитор растауы тиіс.

Қоғамның жылдық қаржылық есебі акционерлердің жылдық жалпы жиналысы өтетін күннен кемінде отыз күн бұрын қоғамның директорлар кеңесінде алдын ала бекітілуге тиіс.

3. Қоғамның жылдық қаржылық есебін түпкілікті бекіту акционерлердің жылдық жалпы жиналысында жүргізіледі.

4. Халықтық қоғам қаржылық жылдық есепті қаржы жылы аяқталғаннан кейін үш ай ішінде уәкілетті органға береді. Халықтық қоғамның жылдық қаржылық есебінің мазмұны мен беру тәртібін уәкілетті орган белгілейді.

ЕСКЕРТУ. 86-бап өзгерді - Қазақстан Республикасы 2002.05.21. N 323
Заңымен .

87-бап. Қоғамның аудиті

1. Қоғамның қаржылық жылдық есебін, сондай-ақ оның ағымдағы жай-күйін тексеру және дұрыстығын растау үшін қоғам аудиторлық тексеру өткізеді.

2. Қаржы жылының қорытындылары бойынша аудиторлық тексеру өткізу халықтық қоғамдар үшін міндетті.

3. Қоғамды аудиторлық тексеру қоғамның шығарылған (төленген) жарғылық капиталындағы жиынтық үлесі он және одан көп процент болатын акционерлердің талабы бойынша кез келген уақытта жүргізілуі тиіс.

Кез келген акционер өз есебінен қоғамның жылдық қаржылық есебіне, сондай-ақ оның істерінің ағымдағы жай-күйіне аудиторлық тексеріс жүргізілуін

т а л а п

е т у г е

х а қ ы л ы .

4. Егер қоғамның атқарушы органы қоғамның жылдық қаржылық есебіне, сондай-ақ оның ағымдағы жай-күйіне аудиторлық тексеріс жүргізуінен жалтарса, тексеріс кез келген мүдделі адамның өтініші бойынша қабылданған сот шешімімен тағайындалуы мүмкін.

5. Қоғамның атқарушы органы қызметінің нәтижелеріне тексерісті тексеру комиссиясының (тексерушінің) жүзеге асыруы қоғамды аудит жүргізу міндетінен босатпайды.

88-бап. Қоғамның акционерлерге ақпарат беруі

1. Қоғамның өз акционерлеріне осы Заңның 91-бабының 1-тармағында аталған құжаттарға қол жеткізуін қамтамасыз етеді, бұл ретте құпия сипаты бар және қоғамның коммерциялық құпиясын құрайтын ақпаратты беруге шектеулер енгізуге жол беріледі.

2. Акционердің талап етуі бойынша қоғам оған осы Заңда көзделген құжаттардың көшірмелерін қоғамның жарғысымен белгіленген тәртіпте беруге міндетті. Құжаттардың көшірмелерін бергені үшін ақының мөлшерін қоғам белгілейді және ол құжаттардың көшірмелерін дайындауға кеткен шығындардың құнынан және құжаттарды акционерге жеткізуге байланысты төленген шығындардан аспауы тиіс.

88-1-бап. Директорлар кеңесінің мүшелеріне қоғамның ақпарат беруі

Қоғамның атқарушы органы, директорлар кеңесінің мүшелеріне, өзіне жүктелген міндеттерді орындау кезінде сауал салуды алған кезінен бастап он күн мерзімнен кешіктірмей, қоғамның қызметі туралы, оның ішінде құпия сипаты бар ақпаратты уақтылы беруді қамтамасыз етеді.

ЕСКЕРТУ. 88-1-баппен толықтырылды - Қазақстан Республикасы 2002.05.21. N 323 Заңымен.

89-бап. Қоғамның міндетті түрде ақпарат жариялауы және беруі

1. Ашық және халықтық қоғам жыл сайын баспасөз басылымында қоғамның жылдық балансын және қоғамның кірістері мен шығындары туралы есебін жариялауға міндетті.

2. Халықтық қоғам тоқсан сайын аяқталғаннан кейін жиырма күн ішінде балансы және табысы мен зияны туралы есептерді баспасөз басылымында жариялауға және уәкілетті орган белгілеген тәртіпте уәкілетті органға беруге міндетті.

3. Қоғам облигациялар шығарған және орналастырған жағдайда баспасөз басылымында өзінің қызметі туралы ақпаратты баспасөз басылымында жариялауға міндетті.

90-бап. Халықтық қоғамның қызметіндегі өзгерістер туралы ақпарат

Халықтық қоғам бес жұмыс күні ішінде уәкілетті органға: қоғамның шоттарына және мүлкіне тыйым салынған; қоғамды тарату не оның қызметін тоқтата тұру жөнінде шешім қабылдаған; қоғамды қайта ұйымдастырған; лицензияның күшін тоқтата тұрған немесе лицензияның тоқтатылған немесе лицензияны қайтып алған; төтенше жағдайлар салдарынан мүліктің кемінде он проценті жойылған; қоғамның шығарылған төленген капиталының жиырма бес процентінен асатын мөлшерде несие алған; қоғам ірі мәмілелер жасасқан; қоғамның лауазымды адамдары әкімшілік немесе қылмыстық жауапқа тартылған; акционерлердің материалдық мүдделеріне елеулі әсер ететін өзге де жағдайларда ақпарат жіберуге міндетті.

91-бап. Қоғамның құжаттарын сақтау

1. Қоғам мынадай құжаттарды:

1) қоғамның жарғысын, қоғамның жарғысына енгізілген өзгерістер мен толықтыруларды;

2) қоғамды құру туралы шешімді, қоғамды мемлекеттік тіркеу туралы куәлікті;

3) қоғамның балансындағы мүлікке қоғамның құқықтарын растайтын құжаттарды;

4) қоғамның акционерлердің жалпы жиналысы мен өзге де басқару органы бекіткен қоғамның ішкі құжаттарын;

5) қоғамның филиалы немесе өкілдігі туралы ережені;

6) қоғамның бағалы қағаздары эмиссиясының проспекті (шығарылу шарттары);

7) тиісті органдарға берілген қаржылық есептердің құжаттарын;

8) қоғам акционерлерінің жалпы жиналыстарының, қоғамның директорлар кеңесінің, тексеру комиссиясының (тексерушінің), қоғамның есеп комиссиясының және қоғам басқармасының отырыстары хаттамаларын, сондай-ақ дауыс беру бюллетеньдерін;

9) қоғамның тексеру комиссиясының (тексерушінің), аудитордың, мемлекеттік қаржы бақылау органдарының қорытындыларын, сондай-ақ осы Заңда, қоғамның жарғысында, қоғамның ішкі құжаттарында, қоғам акционерлерінің жалпы жиналысының немесе директорлар кеңесінің шешімдеріне көзделген өзге де құжаттарды сақтауға қабылдауға міндетті.

2. Қоғам осы баптың 1-тармағында көзделген құжаттарды оның атқарушы органының орналасқан жерінде немесе қоғамның директорлар кеңесінің шешімімен айқындалған қоғамның акционерлеріне, несие берушілеріне және заң актілерімен осыған өкілеттік берілген өзге де мүдделі тұлғаларға (соның ішінде баспасөз басылымында жариялау арқылы) белгілі болатын өзге де орында сақтайды.

10-тарау. ҚОҒАМНЫҢ ҚАЙТА ҰЙЫМДАСТЫРУ ЖӘНЕ ТАРАТУ

92-бап. Қоғамды қайта ұйымдастыру

Қоғамды қайта ұйымдастыру (біріктіру, қосу, бөлу, бөліп шығару, қайта құру) Қазақстан Республикасының Азаматтық кодексіне сәйкес, осы Заңда белгіленген ерекшеліктерді есепке ала отырып жүзеге асырылады.

Жаңа қоғамның жарғысын бекітуді және органдарын сайлауды жаңадан пайда болған қоғам органдарының ұсынысы бойынша, қайта ұйымдастыру туралы шартта белгіленген мерзімде өткізілетін акционерлердің жалпы жиналысы жүзеге асырады.

93-бап. Қоғамдардың бірігуі

1. Екі немесе бірнеше қоғамның соңғысының қызметін тоқтатқан, санында барлық мүліктерін, құқықтарын және міндеттерін өткізу актісіне сәйкес беру жолымен жаңа қоғамның пайда болуы қоғамдардың бірігуі болып танылады.

2. Бірігуге қатысқан әрбір қоғамның директорлар кеңесі бірігу нысанында қайта ұйымдастыру туралы өткізу актісін және бірігу туралы шартты бекіту туралы мәселені акционерлердің жалпы жиналысының шешуіне ұсынады. Қоғамдардың бірігуі туралы шартта бірігуге қатысқандардың әрқайсының атаулары, орналасқан жері туралы, олардың баланстарының негізгі деректері болуы тиіс, сондай-ақ бірігу тәртібі мен шарттары, атап айтқанда, бірігуге тартылған қоғамдардың акцияларын құрылған қоғамның акцияларына айырбастау тәртібі көзделуі тиіс. Барлық аталған ақпарат қоғамның акционерлеріне баспасөз басылымдарында жариялау арқылы берілуі тиіс.

Уәкілетті орган халықтық қоғам бірігуге қатысқан жағдайда оның акционерлеріне беру үшін қажетті қосымша ақпараттың тізбесін көздеуге х а қ ы л ы .

3. Бірігуге қатысатын әрбір қоғамның акционерлерінің жалпы жиналысы осы Заңда белгіленген тәртіппен бірігу нысанында қайта ұйымдастыру, өткізу актісін және бірігу жөніндегі шартты бекіту туралы шешім қабылдайды.

4. Жаңа қоғамның жарғысын бекіту және органдарын сайлау бірігу туралы шартпен айқындалатын мерзімде өткізілетін жаңадан пайда болған қоғам акционерлерінің жалпы жиналысында жүзеге асырылады. Жаңадан пайда болған қоғам акционерлерінің жалпы жиналысын шақырудың және өткізудің тәртібіне

байланысты ерекшеліктер бірігу туралы шартпен айқындалады.

5. Бірігуге қатысатын қоғамдардың әрқайсысы өзінің барлық несие берушілеріне бірігу туралы жазбаша хабарлама жіберуге және баспасөз басылымдарында тиісті хабарландыру беруге міндетті. Хабарламаға (хабарландыруға) осы баптың 2-тармағында көрсетілген бірігуге қатысатын басқа да қоғамдар туралы мәліметтер қоса беріледі.

6. Қайта ұйымдастырылатын қоғамның несие берушілері хабарламаны алған немесе хабарландыру жарияланған күннен бастап екі ай мерзімде қоғамнан қосымша кепілдіктерді не қоғамның тиісті міндеттемелерін мерзімінен бұрын тоқтатуды немесе орындауды және залалдарды өтеуді талап етуге хақылы.

94-бап. Қоғамның қосылуы

1. Қосылатын қоғамның мүліктерін, құқықтарын және міндеттерін тиісті өткізу актісіне сәйкес басқа қоғамға өткізу мен оның қызметінің тоқтатылуы қоғамның қосылуы деп танылады.

2. Қосылатын қоғамның директорлар кеңесі акционерлердің жалпы жиналысының қарауына қосылу нысанында қайта ұйымдастыру туралы мәселені , өткізу актісін және қосылу туралы шартты бекітуге ұсынады.

Қосылу туралы шарттың мазмұны осы Заңның 93-бабының 2-тармағының талаптарына сәйкес болуы тиіс.

Қосылатын қоғам акционерлерінің жалпы жиналысы қосылу нысанында қайта ұйымдастыру туралы, өткізу актісін және осы Заңда белгіленген тәртіпте қосылу туралы шартты бекіту туралы шешім қабылдайды.

3. Оған қосылу жүзеге асырылатын қоғамның директорлар кеңесі акционерлерінің жалпы жиналысының қарауына оған басқа қоғамның қосылу нысанында қоғамды қайта ұйымдастыру туралы, өткізу актісін және қосылу туралы шартты бекіту туралы мәселені енгізеді.

Оған қосылу жүзеге асырылатын қоғам акционерлердің жалпы жиналысы оған басқа қоғамның қосылуы нысанында қоғамды қайта ұйымдастыру туралы, өткізу актісін және осы Заңда айқындалған тәртіпте қосылу туралы шартты бекіту туралы шешім қабылдайды.

4. Оған қосылу жүзеге асырылатын қоғамның жарғысына өзгерістер және толықтырулар енгізу туралы шешімнің қажеттілігі туындаған жағдайда, оған қосылу жүзеге асырылатын қоғам акционерлерінің және қосылатын қоғам акционерлерінің бірлескен жалпы жиналысында қабылданады.

5. Қоғамның директорлар кеңесінің шешімі бойынша, егер қосылатын қоғамның активтерінің және міндеттемелерінің сомасы оған қосылу жүзеге асырылатын қоғамның өз капиталының бес процентінен аспаса, бір қоғамның екінші қоғамға қосылуына жол беріледі.

Мұндай жағдайда қосылу нысанында қайта ұйымдастыру туралы шешімді,

бұл қосылу осы Заңға сәйкес ірі мәміле болып табылған жағдайды қоспағанда, оған қосылу жүзеге асырылатын қоғамның директорлар кеңесі қабылдайды.

6. Қосылуға қатысатын қоғамдардың несие берушілеріне хабарлау міндеті, сондай-ақ осындай қоғамдарға қатысты несие берушілердің құқықтары осы Заңның 93-бабының 5 және 6-тармақтарына сәйкес айқындалады.

95-бап. Қоғамның бөлінуі

1. Қайтадан ұйымдастырылатын қоғамның акцияларын кейіннен жаңадан құрылатын қоғамдардың акцияларына айырбастаумен осы қоғамның барлық мүліктерін жаңадан пайда болған қоғамдар арасында бөлу арқылы қоғамның барлық мүлкін, құқықтарын және міндеттерін өткізу мен қоғамның қызметін тоқтатуды жүзеге асыру қоғамды бөлу болып танылады. Бұл ретте бөлінетін қоғамның құқықтары мен міндеттері бөлініс балансына сәйкес жаңадан пайда болған қоғамдарға өтеді.

2. Бөліну нысанында қайта ұйымдастырылатын қоғамның директорлар кеңесі акционерлердің жалпы жиналысының қарауына бөліну нысанында қоғамды қайта ұйымдастыру, жаңа қоғамдарды құру, қайтадан ұйымдастырылатын қоғамдардың бағалы қағаздарын құрылатын қоғамдардың бағалы қағаздарына айырбастау және бөлініс балансын бекіту туралы мәселелерді енгізеді.

Акционерлердің жалпы жиналысы қабылдаған қоғамның бөлінуі туралы шешім қайтадан ұйымдастырылатын қоғамның акцияларын жаңадан құрылған қоғамдардың акцияларына айырбастау тәртібін, сондай-ақ қайтадан ұйымдастырылатын қоғамның бұрынғы шығарылған акцияларының әрбір түріне арналған, аталған акциялардың түрлері мен атаулы құнының айырбастау кезінде қолданылатын арақатынасын айқындауы тиіс. Бұл ретте акцияның бір түрін иеленгендерге берілетін құқықтар (оның ішінде айырбастауға арналған акцияларды таңдау) бірдей болуы тиіс. Қайтадан ұйымдастырылған қоғамның кез келген акционеріне оған тиесілі акцияларды жаңадан құрылған қоғамның акцияларына айырбастау нәтижесінде берілетін құқықтар оған қайтадан ұйымдастырылатын қоғамның жарғысымен берілген құқықтармен салыстырғанда кемітілмейді немесе шектелінбейді.

3. Егер қоғамның жарғысында өзгеше көзделмесе, оны бөлу кезінде әрбір акционер қайтадан ұйымдастырылған қоғамдардың шығарған акцияларының жалпы санына оның акцияларының проценттік арақатысына тең болатын жаңадан пайда болған қоғамның шығарған акцияларының жалпы санына өзінің акцияларының проценттік арақатысын сақтайды.

4. Қоғам оның акционерлерінің жалпы жиналысында бөліну туралы шешім қабылданған сәттен бастап бұл шешім туралы шешім қабылданғаннан кейін туындаған міндеттемелер бойынша несие берушілерге хабарлауға міндетті.

5. Қоғам акционерлерінің жалпы жиналысы бөліну туралы шешім

кабылданған күннен бастап екі ай мерзімде өзінің барлық кредиторларына бөліну туралы жазбаша хабарлама жіберуге және баспасөз басылымында тиісті хабарландыру жариялауға міндетті. Хабарламаға (хабарландыруға) бөліну балансы, сондай-ақ жаңадан пайда болған қоғамның әрқайсының атауы, орналасқан жері туралы мәліметтер қоса беріледі.

6. Қайта ұйымдастырылатын қоғамның несие берушілері хабарламаны алған (хабарландыру жарияланған) күннен бастап екі ай мерзімде қоғамнан қоғамның тиісті міндеттемелерін мерзімінен бұрын атқаруды және залалдарды өтеуді талап е т у г е х а қ ы л ы .

7. Қоғамнан бөліну нәтижесінде пайда болған қоғамдар қайта ұйымдастырылған қоғамның міндеттемелері бойынша бірлескен жауапкершілікте болады.

96-бап. Қоғамның бөлініп шығуы

1. Қызметін тоқтатпастан қайта ұйымдастырылатын қоғамның мүліктерінің, құқықтарының және міндеттерінің бір бөлігін өткізумен бір немесе бірнеше қоғамды құру қоғамның бөлініп шығуы болып танылады.

2. Қайта ұйымдастырылатын қоғамның директорлар кеңесі акционерлердің жалпы жиналысының қарауына бөлініп шығу нысанында қоғамды қайта ұйымдастыру туралы, бөлініп шығудың тәртібі мен шарттары, бөлініс балансы туралы және жаңа қоғам құру туралы мәселелерді енгізеді.

3. Қайта ұйымдастырылатын қоғам акционерлерінің жалпы жиналысы бөлініп шығу нысанында қайта ұйымдастыру, жаңа қоғамдар құру және қайта ұйымдастырылатын қоғамның бағалы қағаздарын құрылатын қоғамдардың бағалы қағаздарына айырбастау тәртібі және бөлініс балансын бекіту туралы осы Заңда белгіленген тәртіпте шешім қабылдайды.

4. Қоғамның бөлініп шығуы кезінде қайта ұйымдастырылатын қоғамның құқықтары және міндеттері бөлініс балансына сәйкес оған өтеді.

97-бап. Қоғамды қайта құру

1. Қоғам оған қайта құрылатын қоғамның барлық құқықтары мен міндеттері өткізу актісіне сәйкес өтетін жауапкершілігі шектеулі серіктестік немесе өндірістік кооператив болып қайта құрылуға құқылы.

2. Қайта құрылатын қоғамның директорлар кеңесі акционерлердің жалпы жиналысында қарауға қоғамды қайта құру, қайта құруды жүзеге асырудың тәртібі мен шарттары, қоғамның акцияларын шаруашылық серіктестігіне қатысушылардың салымдарына немесе өндірістік кооперативтің жарналарына айырбастау тәртібі туралы мәселелері ұсынады.

3. Қайта құрылатын қоғам акционерлерінің жалпы жиналысы қоғамды қайта құру, қайта құруды жүзеге асырудың тәртібі мен шарттары, қоғамның акцияларын шаруашылық серіктестігіне қатысушылардың салымдарына немесе

өндірістік кооперативтің жарналарына айырбастау тәртібі туралы шешім қабылдайды.

4. Қайта құру кезінде құрылған жаңа заңды тұлғаның қатысушылары өздерінің бірлескен отырыстарында оның құрылтай құжаттарын бекіту және органдарын сайлау (тағайындау) туралы шешімді заң актілеріне сәйкес қабылдайды.

5. Қоғамды қайта құру кезінде қатысушының шаруашылық серіктестігінің жарғылық капиталындағы үлесі (өндірістік кооперативтегі пай) оған тиесілі акциялардың қоғамның шығарған акцияларының жалпы санына проценттік арақатысы негізінде айқындалады.

6. Коммерциялық емес ұйым ретінде құрылған қоғам, коммерциялық ұйым ретінде құрылған ұйымның коммерциялық емес ұйым ретінде қайта құрыла алмайтын сияқты, коммерциялық ұйым ретінде қайта құрыла алмайды.

98-бап. Қоғамды мәжбүрлеп қайта ұйымдастыру туралы талаптарды орындамаудың салдары

1. Егер қоғамның мәжбүрлеп қайта ұйымдастыруды соттың шешімі бойынша бөлу немесе бөліп шығару нысанында жүргізуге өкілеттік берілген органдары осындай шешімде белгіленген мерзімде жүзеге асырмаса, сот қоғамның сенім білдірген басқарушысын тағайындайды және оған бөліп немесе бөліп шығару нысанында қайта ұйымдастыруды жүзеге асыруды тапсырады.

2. Сенім білдірілген басқарушыны тағайындаған кезден бастап оған директорлар кеңесінің және қоғамның атқарушы органының өкілеттіктері, сондай-ақ осы Заңның 95-бабы 2-тармағымен және 96-бабы 3-тармағымен бекітілген акционерлердің жалпы жиналысының өкілеттіктері көшеді.

3. Қоғамның атынан іс-әрекет жасайтын сенім білдірілген басқарушы бөліну баланстарын жасайды және оны қоғамды бөлу немесе бөлініп шығу нәтижесінде туындаған құрылтай құжаттарымен бірге соттың қарауына береді. Жаңадан пайда болған қоғамдарды мемлекеттік тіркеу сот шешімінің негізінде жүзеге асырылады.

99-бап. Қоғамды тарату

1. Қоғамды ерікті түрде тарату туралы шешім несие берушілердің келісімдері бойынша және олардың бақылауымен тарату рәсімін белгілейтін акционерлердің жалпы жиналысында заң актілеріне сәйкес қабылданады. Жиынтығы қоғамның шығарған акцияларының бес және одан да көбін иеленуші акционерлер қоғамның тарату комиссиясында өкілін ұстауға хақылы.

2. Сот қоғамды мәжбүрлеп тарату туралы шешімді:

1) банкроттық туралы мәлімдеген;

2) қоғамды құру кезінде жоюға келмейтін сипатта заңдарды бұзуға жол берілуге байланысты қоғамды тіркеу жарамсыз деп танылған;

3) жабық қоғамның акционерлерінің саны белгіленген мөлшерден асып кеткен және осы Заңның 4-бабы 3-тармағының талаптарын орындамаған;

4) заң актілерінде көзделген басқа да жағдайларда шығара алады.

3. Қоғам осы Заңда көзделмеген, басқа заң актілерінде белгіленген өзге де негіздер бойынша таратылуы мүмкін.

4. Осы баптың 2-бөлігінде көрсетілген негіздер бойынша қоғамды тарату туралы талаптарды мүдделі тұлғалар, егер заң актілерінде өзгеше көзделмесе, сотқа беруі мүмкін.

5. Қоғамды тарату туралы осы баптың 2-тармағының 3) тармақшасында және 3-тармағында көрсетілген негіздер бойынша соттың шешімімен немесе осы баптың 1-тармағында көрсетілген негіздер бойынша жалпы жиналыстың шешімімен қоғамды таратуды жүзеге асыру жөніндегі міндеттер жүктелген тарату комиссиясы (таратушы) тағайындалады. Аталған құқықтар қоғамға, қоғам өкілеттік берген органға не сот тағайындаған өзге де органға (тұлғаға) жүктелуі мүмкін.

100-бап. Қоғамды тарату кезінде несие берушілердің талаптарын қанағаттандыру

Қоғамды тарату рәсімі және оның несие берушілерінің талаптарын қанағаттандыру тәртібі Қазақстан Республикасының заңдарымен реттеледі.

101-бап. Таратылатын қоғамның мүлкін акционерлердің арасында бөлу

1. Несие берушілермен есеп айырысу аяқталғаннан кейін таратылатын қоғамның қалған мүлкін акционерлердің арасында тарату комиссиясы (таратушы) мынадай кезектілікпен бөледі:

1) бірінші кезекте осы Заңға сәйкес өтелуге тиісті акциялар бойынша төлемдер жүзеге асырылады;

2) екінші кезекте артықшылықты акциялар бойынша есептелген, бірақ төленбеген дивидендтер төлеу жүзеге асырылады;

3) үшінші кезекті артықшылықты акциялардың иелеріне оларға тиесілі акциялардың атаулы құнын өтеу жүргізіледі;

4) қалған мүлік барлық акционерлер арасында оларға тиесілі актілердің атаулы құнына бара-бар түрде бөлінеді.

2. Әрбір кезектің мүліктерін бөлу алдыңғы кезектің мүліктерін бөлу толық аяқталғаннан кейін жүзеге асырылады.

Егер таратылатын қоғамның мүлкі есептелген, бірақ төленбеген дивидендтерді төлеу артықшылықты акцияларды иеленушілерге атаулы құнын өтеу үшін жеткіліксіз болса, онда мүлік артықшылықты акцияларды иеленуші акционерлердің арасында оларға тиесілі акциялардың атаулы құнына бара-бар толық бөлінеді.

11-тарау. ҚОРЫТЫНДЫ ЕРЕЖЕЛЕР

102-бап. Өтпелі ережелер

1. Осы Заң күшіне енгізілгенге дейін құрылған қоғамдар осы Заң күшіне енгізілген күннен бастап алты ай ішінде өздерінің құрылтай құжаттарына тиісті өзгерістер енгізуге міндетті.

2. Эмиссиялық бағалы қағаздарды шығару және орналастыру қорытындылары туралы есепті заңдарда белгіленген мерзімде табыс етпеген қоғамдардың бағалы қағаздарының осы Заң күшіне енгізілгенге дейін тіркелген эмиссиялары болмаған деп танылады және бағалы қағаздар рыногы туралы заңдарда белгіленген тәртіппен, осы Заң күшіне енгізілген күннен бастап бір жыл ішінде жаңадан тіркелуге тиіс.

Уәкілетті органға бағалы қағаздарының осындай эмиссияларын мемлекеттік тіркеуге ұсынбаған аталған қоғамдар осы Заң күшіне енгізілген күннен бастап бір жыл ішінде қоғамды қайта ұйымдастыруды немесе оны таратуды жүргізуге міндетті.

Қ а з а қ с т а н Р е с п у б л и к а с ы н ы ң

Президенті